

**Dissertatio medica inauguralis de usu et functionibus cerebri humani :  
indeq[ue] dependente inclinationum atque ingeniorum diversitate, quam ...  
26. Septem. Ann. M DCC X. .... / publico examini submittit M. Joh.  
Rodolphus Zvingerus, Basiliensis.**

### **Contributors**

Zwinger, Johann Rudolph, 1692-1777.  
Universität Basel.

### **Publication/Creation**

Basileae : Typis Joh. Jacobi Genathii, [1710]

### **Persistent URL**

<https://wellcomecollection.org/works/p4gtucx5>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

59809 / P Zwingler Jakob

DISSERTATIO MEDICA INAUGURALIS

D E

U S U

E T

FUNCTIONIBUS  
CEREBRI HUMANI,

Indeque dependente

Inclinationum atque Ingeniorum  
Diversitate,

*Quam*

FAVENTE DEO TER OPTIMO MAXIMO,  
*JUSSU & AUTHORITATE MEDICORUM*  
*in Academia Basiliensi Ordinis Amplissimi*  
*atque Excellentissimi,*

PRO SUMMIS IN ARTE MEDICA HONORIBUS  
& Immunitatibus Doctoralibus solenni ritu  
consequendis,

Ad diem 26. Septemb. Ann. M DCC X. Horis locoque solitis

*Publico Examini submittit*

M. JOH. RODOLPHUS ZVINGERUS,  
Basilensis.




BASILEÆ, Typis JOH. JACOBI GENATHII.

Seq. P/ZWI

349130

DEO.  
PATRIÆ.  
PARENTIBUS.  
PRÆCEPTORIBUS.  
FAUTORIBUS.  
AMICIS.  
S.



DISSERTATIO MEDICA INAUGURALIS  
*DE*  
**USU ET FUNCTIONIBUS  
CEREBRI HUMANI,**  
Indeque dependente  
INCLINATIONUM ATQUE INGENIORUM  
DIVERSITATE.

---

P R A E F A M E N .

**N**ON ita pridem Cerebri humani, & partium ejus quarumcunque descriptionem anatomicam publici Speciminis loco ventilandam exposuimus, nunc ut ejusdem visceris Usum atque Functiones singulas, indeq; dependentes Ingeniorum diversitates adcuratius paulo rimemur, occasio invitat, si non requirere planè videtur. Res sanè à plurimis hucusque Anatomicis fusè intricate atque prolixè tractata, verùm non sine quadam, ut arbitramur, confusionē atque discrimine: dum alii intricatam Cerebri compagē in ordinem digerere adlaborantur, *Doctrina de Usu Cerebri,* ab Anatomicis tractata.

res id modo effecerunt , ut plus sanè obscuritatis ac difficultatis rei ipsi addiderint, quàm eam ratiociniis suis illustrârint : alii minutias omnes, in isto Viscere observabiles, magno cum labore adnotantes, speciosas valde quamplurimis Cerebri partibus actiones assignaverunt , ut omnem inter Cerebrum ac reliquas corporis Glandulas & Viscera similitudinem , functionumve convenientiam neglexisse aut posthabuisse videantur : alii autem contrà Harmoniam partium universalem stabilentes , ex comparatione Cerebri cum reliquis Corporis partibus , tum & observationibus diligentioribus , experimentisq; plurimis institutis , atque hinc tandem ratione deductâ , Functiones & Usus Cerebri nostri eruere feliciore cum successu conati sunt. Quos inter in primis laudem inventit Th. Willisius Medicus ille Anglus Celeberr. qui diligentem admodum huic rei operam locavit, suaq; tandem inventa quamplurima, ac ratiocinia doctissima in aureo Cerebri Anatomes Libello luci publice donavit.

Scriptores de Cerebro  
principi. Thomas Willis.  
Marcellus Malpigh. Car. Fracassatus. Raymund. Vieussens. Phil. Verheyen. Isbr. de Diemerbroek. H. Riedley. Georg. Baglivius.

Preter hunc tamen etiam Marcell. Malpighius in Exerc. epistol. ad Fracassatum, & Dissertatione de Cortice Cerebri; Carolus Fracassatus in Dissert. epist. responsoriâ ad Malpighium; Raymundus Vieussens in Neurograph. Universal. Philippus Verheyius, & Isbrand. de Diemerbræk in suis Corp. Hum. Anatomiis; nec non H. Riedley in Cerebr. Anat. Ephemeridibus Med. Phys. Curios. Germ. insertâ, aliq; longè Excellentissimi Viri in Cerebri partium functiones sedulo inquisiverunt. In specie autem circa Meninges plurimum, & maximâ cum laude laboravit Georg. Baglivius Medicus Roman. Celeberr. uti patet ex Specimine ejus 4. Libror. de Fibrâ motrice, elegantissimo. Horum proin exemplo incitati, methodoq; innixi, quicquid sana & evidens ratio, ex observatione multiplici desumpta,

pta, circa propositum Thema dictavit, non sine studio brevitatis praesenti hac Dissertatione Inaugurali afferere atque confirmare, ea vero, quae adhuc profundius latent, ut vel de iis quoque conjecturare nobis difficile sit, vel breviter tantum attingere, vel planè etiam præterire consti- tuimus. Sanè enim adeo subtilis intricataq; nobis apparet Cerebri nostri textura, ut qui singulas, circa Functiones ejus occurrentes, difficultates adsuratissimè evolare & explicare voluerit, supra humanam prorsus infirmitatem sapere necesse habeat. Idcirco etiam faciliem à Benevolo Lectore mihi spondere veniam ausim, sicubi nonnulla gravissimorum alias Authorum placitantiisper in dubium vocavero, aut fortè hinc inde plus minus graviter hallucinatus ero; cum enim Hominem me, & quidem Juvenem admodum, errandi maximè potentem adgnoscam, is mihi serio est scopus propositus, ut discere & corrigi, quam corrigere malim. DEUS modò faxit Benignissimus, ut omnia cedant ad S. Sancti Nominis sui Gloriam, Veritatis enucleationem, meamq; salutem!

CAPUT PRIMUM,  
*Usum & Functiones Cerebri Partium  
exponens.*

I.

**B**T eundem circa *Usum & Functiones Ordo scri-  
Cerebri partium delibandas ordinem, quem p<sup>t</sup>ionis.  
quidem in descriptione earum priore Differ-  
tatione observavimus, sequamur, statim post  
Cranium sive *osseum Cerebri integumentum, Crani<sup>i</sup>  
quod ipsi muniminis & contra injurias externas tutelæ satis usus.  
firmæ loco est, Meningum sese offerunt membranæ, usu mul- Membra-  
tiplici *næ cerebri.***

*Dura Me-  
ningis u-  
sus.*

tiplici, quem Cerebro inclusō, totique adeo corpori præstant, valde nobiles. *Dura Meninge* primò cavam sive internam Cranii superficiem immediatè obtegit, eique per sanguifera sua vasa quadam ex parte nutrimentum porrigit; totum hinc ἔγκραντη sive Cerebrum, Cerebellum, & oblongatam cum spinali Medullam involvens, suisque duplicaturis in diversas portiones distinguens, tegumenti ipsis loco est vel involucri, simulque eas à mutuā compressione præservat; ab Ossium Cranii duricie & allisione qualicunque nocivā defendit; calorem sive motum vitalem liquidi solidive assidue in istis partibus conservat; dumque in suturis vel alibi etiam Cranio firmiter connexa est, ipsum Cerebri corpus aliquomodo suspendit, sicque impedit, quò minus in se concidere vel comprimi queat. *Sinuum* dein suorum ramis & surculis, arteriolis Cerebri capillaribus obviam occurrit, refluxum inde sanguinem, & à secretionē residuum, recipit, perque dictos *Sinus* postea *Venis jugularibus*, communique tandem sanguinis Massæ placido defluxu reaffundit. *Fibras* illas per *Sinuum* cavitatem transversim protensas cum *Clariff. Verheyen* ad cursū sanguinis velocitatem variè modificandam, adeoque ad parietes *Sinuum* reciprocè constringendos & relaxandos inservire putamus. Sed & *Dura Meninge* eadem Vasis quamplurimis Cranium in - & egredientibus viam sternit, atque fasciculorum nervosorum è Cerebro descendentium involucrum evadit; ac ita membranis cunctis sensibilibus, ubicunque demum in corpore reperiundis, fibrillas & tunicas largitur; ut reverà, quemadmodum nervæ fibrillæ ad omne corporis punctum sunt disseminatæ, Meninges etiam principium & origo existant omnium in genere Membranarum, quæ quidem varia Sensuum Organa constituere solent. Quòd autem sensibilitas Nervorum sit attribuenda fibroso-meningeis eorum involucris potius, quam parti medullari succosæ, vix est qui amplius dubitare ausit, postquam dictarum Meningum elaterem promptissimum, experimentis (quibus vel earum punctiones in quaunque parte instituuntur, vel acris Liquor injicitur) evidenter comprobatum, & circumstantias atque phænomena,

*Sensibili-  
tas Nervo-  
rum cui  
attribuen-  
da rei?*

in

in Sensuum actionibus occurrentia, ad veræ rationis trutinam revocaverit.

II. Heic minimè etiam prætereundus est *Duræ Matri* Duræ matris motus continuus, Systole & Diastole constans, quo quidem agitari deprehenditur. Id quod cum primis animadversum est ab *Ingeniosiss.* Baglivo, *Theor. Medic. in Romano Archilyceo Prof. Celeberr. Specimin. de Fibrâ motrice Libr. I. Cap. V. pag. 273.* ubi consideratâ duræ Matris fibrarum lacertorumque particulari structurâ, quæ tota, uti Cordis fibræ, ad constringendum exprimendumque ipsi facta videtur, eapropter Meningem hanc Cerebri Cor, è villis membranosis compositum appellat; *quod autem nos movet*, inquit, *ut eam Cor Cerebri nominemus*, præter allatas ejus structuræ considerationes, præ cæteris est continuus ille, fortisq; motus systoles ac diastoles, qui nudis etiam oculis & satis evidenter in ea conficitur, deg̃ ijsius mechanice, & analogiū cum motu cordis pluribus validisq; rationibus & experimentis suo tempore differemus. *Quia tamen velit* hac de re certior fieri, partem anteriorem cranii in Puerο recens nato inspiciat, atque consideret; ejus enim ossa cum maxime mollia sint, applicata super eis vola manus, vehementem ac ordinatum systolis atque diastolis motum ibidem, qui à Dura Matre subsidente excitatur, observabit. Idem confirmat experientia *Clariss. Majow Oper. med. phys. Tract. IV. Cap. 4. pag. 331.* qui Pulsum talem duræ Meningis ipsâ autopsiâ confirmari ait, dum enim Cranioperfracto Cerebri pars in conspectum venit, hoc in tumorem assurgere, moxque vicissim subsidere conspexit. Sed & *Isbrand. de Diemerbrœk Anat. Corp. hum. Lib. III. Cap. V. pag. 577.* eundem motum, sive naturalem systolen & diastolen Cerebri manifestam esse, & à se, cum in castris & propè eadem Praxin medicam exerceret, non semel observatum fuisse scribit, in Capitis nimirum Vulneribus, ubi Cerebri substantia conspicua evaserat. Ut plura nunc taceam, quæ assiduo Cerebrum & Meninges motu contrahi & relaxari ostendunt.

III. Celebris autem inter Authores Medicos agitur *An motus controversia*, videlicet *utrum hic duræ Meningis motus ei duræ Meningis ei sit*

*sit proprius, & à fibrosū ejus texturā dependens? vel utrum  
prius, vel duntaxat ab Arteriarum in hanc Meningem disseminatarum  
pulsatione oriatur?*

Posterius quidem nonnulli, & inter eos  
principiū *Higginorum* defendere satagunt; hic enim Cerebro  
omnem motionem propriam denegans, illam quæ Cranio  
aperto cernitur systolen & diastolen, accidentalem mem-  
branarum, & ab arteriolis insertis modò contingentem mo-  
tum esse opinatur. Cùm verò Arteriæ duram Meningem  
perreptantes tantæ non sint, nec tam copiosæ, quæ adeo  
insigni tamq;æ valido contractionis & dilatationis motui,  
in *dura Matre* efficiendo, suā pulsatione sufficient; cùm  
item non possent eundem motum in totâ Meninge æquabi-  
liter producere: quia necessario uno loco magis, minùs  
alibi validè pulsare deberet Meninx, prout nimirum heic  
vel ibi major arteriæ ramus decurreret; neutquam vide-  
re possum, quibus adeo firmis hæc opinio fulcris innitatur.  
*Quin post fibrosos Matri duræ lacertos ad constringendum  
peraptos, & triplicem adeo fibrarum ordinem in eâ dete-  
ctum, lustratumque adcuratiūs, solidè admodum contra-  
rium evincere videtur (salvo tamen Virorum doctiorum ju-  
dicio) citatus jam Baglivus allegato Specim. de Fibr. motr.*

*Baglivi  
sententia.* *Libr. I. Cap. V. pag. 274. Quicunq; autem, inquit, clariūs  
systolen & diastolen Matris duræ per totam ejus substantiam  
optat percipere, observet quæso Capitis Vulnera, quæ cum fractu-  
râ Cranii ad Cerebrum penetrant, quemadmodum & nos in  
pluribus Italiæ Nosocomiis observavimus, & videbit univer-  
sam duræ Matris molem, à Vulnere detectam, undiquaque pulsa-  
re equaliter ac fortiter, non verò in iis ramulis atque sulcis  
tantùm, qui à parvis arteriis per eam disseminatis excavantur;  
quod non contingere, si duræ Matris motus à parvis illis pen-  
deret Arteriis. Paulo post idem sic pergit: Sed ut evidentius  
hos duræ Matris ita ordinatos motus deprehenderem, plura feci  
super Ovibus recens natis experimenta, illarum Cranium subti-  
lissimo cultro attollens, ubi non solum ordinatam atque conti-  
nuam seriem pulsationum spectabam in durâ Matre; sed etiam  
diversimodè illam acubus tenuissimis pungendo, acresq; liquores  
in eam instillando, utilissimas inde observationes deducebam,*  
quarum

*quarum plures D. Pallilius mecum perspexit. Si dura Mater à dextra pungeretur, in omnibus fere partibus convulsivi motus excitabantur, in eâ præcipue vehementissimi, in qua ipsa pungebatur; sic etiam si pungebatur à lœvâ. Ex quibus clarum esse puto, quid tum de Meningis duræ elatere forti, tum de motu ejus continuo censendum veniat.* *Talis nimirum hinc concluditur existere, quo illa Mater dura Cerebrum continuè stringit, liquorum omnium in eo contentorum circulationem adjuvat, in primis etiam fluidi nervei secretionem in corticalibus glandulis promovet; secretum, & in varios Medullæ oblongatæ spinalisque Nervorum fasciculos compulsum, assidue in omnes corporis partes motu æquabili propellit, sicque universum systema nervosum in sua tensione perpetim conservat, usque adeo ut, quo fortior duræ Meningis elater existit, quoque validior est ejus contractio & dilatatio reciproca, eo citatiore etiam motu Genus nervosum universum, fluidumque in eo contentum agitetur. Hinc cum forte à causâ quadam violentâ præternaturaliter irritatur, vellicatur, aut pungitur, spasmodici statim oriuntur motus, & validæ membrorum corporis concussions, uti ex citatis *Baglivi* experimentis intelligere est; quarum adeò concussionum proxima causa in ipsa Meningis duræ membranâ, violenter irritatâ crispatâve, & Fluido nervo impetuosiùs moto ut plurimum quæri potest ac debet.*

**IV.** *Nihilosecius tamen non omnino illis adversamur Modernis, qui à numerosâ valde Arteriarum distributione in Cerebrum, adeoque à Cerebri interioris Arteriarum pulsu unani, hanc Meningis duræ motionem satis sensibilem, & pulsui Cordis æquabilem derivant. Sed quemadmodum Cordis motus nonsolùm sanguinem irruentem pro causâ adgnoscit, verùm etiam propriam muscularem & fibrosam texturam requirit; ita pariter & duram Meningem non à solo Arteriarum in Cerebrum appulso sanguine, sed & cumprimis à fibrosis lacertis multiplicibus systolen & dia-*

*Cui rœ  
motus ille  
Meningis  
adscri-  
bendus sit.*

*stolen suam mutuari verosimile arbitramur.*

**V.** *Tenuis autem fine pia Mater, duræ continuata Meningis & subjecta, peculiarem adhuc usum obtinet, dum Cerebri tenuis <sup>se</sup> substantia.*

substantiam omnem immediate investiens, eique firmiter  
innumeris filamentis exiguis connexa, partes ejus à se in-  
vicem suā insinuatione disterminat, sanguifera vasa, in to-  
tam Cerebri compagm distribuenda, per sulcos & gyros  
ejus ubique comitatur, suffulcit, atque hinc inde plexus  
varios cum iis efformat, qui ad Sanguinis attenuationem,  
depurationem, imò ad calorem ipsum in partibus fo-  
vendum apti destinatiq; videntur. Dein etiam *pia Meninx*  
*spinalem* Medullam immediate & arctè, pariter ac Cerebrum,  
amplexatur, eamque in duas partes laterales dispescit;  
atque tandem Nervorum tunica seu involucrum evadit, eo-  
rumque fibras quaslibet seorsim ubique investit.

*Cerebri fi-  
gurae ra-  
tio.*

VI. Cerebri totum corpus figurā gaudet propemo-  
dum *rotundū*, tanquam maximè omnium accommodā;  
quæ tamen non uniformis ubique deprehenditur, sed in  
globosas plures partes est distributa vel distincta; verosi-  
militer eum in finem, ut sic liberior atque facilior Liquorū  
omnium per eas decursus contingere posset. Quod si  
enim substantia illa, naturā mollis & compacta, existeret  
uniformis, tum medullaris pars ab incumbentis cineritiæ  
pondere nimis pressa, transitum Fluido nerveo per canalicu-  
los suos, angustiores redditos, nullum vel difficilem con-  
cederet. Provida hinc natura videtur non sine ratione me-  
chanicā Cerebri compagm in plures globosas portiones  
distinxisse, quò sic vim obtineret ac firmitudinem sufficien-  
tem, ponderi incumbentium aliarum partium resistendi,  
atque compressionem ejusmodi nocivam impediendi.  
Quod si proin eveniat, ut membranæ, quibus illa globosa  
corpora involvuntur, quoad elasticum suum tonum & mo-  
tum valdè debilitentur, aut planè in Paralyssi resolvantur,  
mirum esse non debet, si illa dein compressionem magis  
sentientia, & motū adjumento destituta, Fluidi nervi distri-  
butionem, & Sanguinis etiam circulationem intercipiant,  
atque ita tandem apoplecticum Insultum excitent.

*Divisionis  
Cerebri u-  
tilitas.*

VII. Notabile etiam est, quòd *Cerebri* compages dividī  
soleat in binas ubique partes laterales, videlicet *Cerebellum*, in ge-  
minos quasi minores globos, & *Cerebrum* in duo hemisphēria;  
fortè

fortè nullum alium in finem, quām ut hoc modo facilis & subitus totius Cerebri interitus præcaveatur, id est, si fortè quacunque de causa alterutra ejus pars, v. gr. unum Hemisphærium labem contraheret, alterum tamen adhuc integrum maneret, & illius defectum aliquomodo suppleret. Quæ quidem ratio valere potest de omnibus ferè Cerebri partibus, itidem per paria distinctis: sic enim *duo* reperiuntur *Corpora striata*, *duo* Nervorum opticorum *Thalami*, *duæ Nates*, *duo* *Testes*, quin & Nervorum origines per paria prodeunt. Ut adeo hinc ratio peti facilis queat Hemiplexiæ & Paralysium, quæ quandoque dimidium corporis non sine admiratione exactè occupant.

VIII. Superficies Cerebri in *mæandros*, *gyros*, & *convolutiones* varias vel ideo ducta videtur, ut hoc modo Vasa cuncta, in primis arteriosa capillaria per multiplices inflexus, & serpentinos reptatus longius protraherentur, atque amplior Corticis extensio, per istiusmodi flexuram & complicationem, in parvo ac brevi spatio reconderetur, sicque in angustis terminis larga nihilominus secretio contingeret; pari ratione atque Intestinorum longus canalis, per multiplicem flexuram & convolutionem angustâ Abdominis cavitate concluditur.

*Mean-  
drorum  
Cerebri  
usus.*

IX. Præterea etiam Cerebri totius in tres partes notabiliores, sive tres quasi provincias, *Cerebrum* nempe strictè dictum, *Cerebellum*, & *Medullam oblongatam*, cui *finalis* est continua, distinctio, mysteriis carere non videtur, quando singulas peculiaribus quibusdam usibus à naturâ destinatas esse, nemo unquam dubitavit. *Cerebrum* quidem strictè sic dictum ad Sensus, Motus animales & voluntarios, Memoriam, Imaginationem, Animæque adeo functiones, quæ quidem cum corpore communicant, obeundas potissimum inservire & conferre palam est. Præterquam enim quòd structuræ ipsius, in Animalibus diversæ indolis, varietas id arguat; observamus quotidie Nervos, qui arbitrario Motui & Sensui destinati sunt, ut plurimum Cerebro anteriori originem suam debere. Igitur Motuum animalium principium & finem, atque Sensorium adeo commune

*Cur Cere-  
brum to-  
tum in  
tres pro-  
vincias sit  
divisum?*

*Cerebri  
strictè sic  
dictius.*

continet, Animam quin & ceu corporis Regem, in suâ Medulla abscondit, ut paulo inferius ostendemus.

*Substan-  
tiæ Cere-  
bri corti-  
salis usus.* X. Duplicem verò esse hujus Cerebri *Substantiam*, è corticali nimirum & medullari compositam, in descriptione ejus dictum fuit. *Cortex* omnium facile Anatomicorum consensu nervei spiritûs est officina seu præparatorium; quippe suarum ope Glandularum vasculosarum, sive contextûs vasculosi, ex arteriosi Sanguinis latice attenuato, puriorem, tenuiorem & defœcatissimam Lympham secernit, hancque sub nervi *Liquoris* vel *fluidi spirituosi* nomine medullaribus subjectis canaliculis, & fibrillis nervosis infundit, inde ad Corpus callosum, Medullam oblongatam, spinalemque, ac potiorum adeo nervosî generis partem distribuendam & ablegandam, ut ibi nutritionem præstare convenientem, Nervorum tonum conservare, atque Motum adeo Sensumque promovere queat.

*Partis  
medulla-  
ris usus.*

XI. *Medullaris* itaque Cerebri pars secretum Fluidum nerveum, per tubulos innumeros, corticalium glandularum poris appositos recipit, illudque in substantiâ suâ, ceu emporio, per fibrarum multivariam complexionem, dispositionem mirificam ac subtilissimam, diversimodè distribuit atque dispensat. Observatur hæc *Medulla* magnitudo variare in Animantibus, pro horum indolis diversitate; in iis enim, quæ imaginatione, memoriâ, & appetitu bono pollent, magnitudinem *Medullæ Cerebri* præ cæteris ingenitatem adnotavit Willisius, *Anat. Cer. Cap. X. p. m. 77.* *Animalia*, ait, quæ memoriâ, imaginatione & appetitu excellunt, Cerebri *Medullâ ampliori instruuntur*, prout observare est in *Homine* & *Quadrupedibus* perfectioribus: at quæ facultatibus istis parum opus habere videntur, uti *Quadrupedes minores*, item *Volucres* & *Pisces*, iis Cerebri *Cortex* uberior, sed Pars medullaris minima existit. Observamus item in Anatomicis, Nervos, qui Sensuum organis impendiuntur, quique animalibus actionibus vacant, vel immediate vel mediately ex hac medullari *Substantiâ* oriri; unde verisimillimum est, hac in parte *Sensorium commune* à naturâ statuminatum esse. Neque enim in Cavitate Cerebri, & hac mediante in Glandula pineali universi-

Nervi

Nervi, vel ulli saltem, ut infra porrò docebimus, tanquam  
in suo principio concurrunt, quemadmodum id quidem  
*Cartesio*, ejusque Sequacibus placet: neque alibi in toto  
Cerebro, vel in universo etiam reliquo Corpore angulus in-  
venitur, in quo concursum Nervorum universalem depre-  
hendere liceat, si excipias totam medullarem Cerebri sub-  
stantiam; totam dico ejus substantiam sive molem, quia  
à nulla ejus parte solā universa Nervorum filamenta oriun-  
tur ac descendunt. Ut adeo, nisi inæqualis & in duo Hemis-  
phæria divisa fuisset hæc *Medulla*, nulla obstaret amplius  
difficultas, quo minus ei *Animæ nostræ rationalis sedem* attri-  
bueremus; cùm verò aliquomodo duplex illa sit, & in me-  
dio divisa (id quod ipse etiam *Cartesius* adnotavit, & propte-  
rea, quia reliquas partes omnes videbat quodammodo  
duplices, in pinealem *Glandulam*, ceu unum & indivisum  
locum, in medio Cerebri hærentem, domicilium *Animæ*  
transtulit) satis clare nondum patet, quomodo Objecta ge-  
minis Organis, v.g. duplii Oculo repræsentata, unicam  
tantum *Sensūs* ideam in *Animā* excitent, si quidem in ista  
*Medulla* residentiam Anima suam obtinere debeat. Atta-  
men qui probè observat, nullibi quām in *Medullæ Cerebri* Cur obje-  
compage Nervos omnes convenire, quique perpendit, ipsam  
*Medullam* non esse radicaliter divisam, vel duplicem pror-  
fus, sed ferè continuum aliquod corpus existere, ejusque He-  
misphæria multum invicem communicare; qui, inquam,  
hæc animo volvit attento, fortè non adeo à ratione sanā  
alienum intelliget, si dicamus, eapropter duplia objecta  
percipi non debere, licet *Medulla* usque ad Corpus callosum  
sit divisa. Non enim est necessarium, ut ad unius Objecti  
repræsentationem, gemini alicujus Organi percussi Nervi in  
unicam fibrillam coēant, atque sic Animam ad certas cogi-  
tationes, certasque ideas formandas commoveat; imò na-  
turæ leges vix hoc permittunt, ut v.gr. duo Nervi optici,  
qui plurium fibrarum sunt fasciculi, ab Organo duplii ad  
Sensorium commune adscendentibus, in uno aliquo loco præ-  
cisè uniantur, atque in unicam fibrillam, cuius motus unam  
in *Animā* ideam efficiat, coēant. Cùm igitur à pluribus fi-

Cur obje-  
cta sensiti-  
va non ap-  
pareant  
duplicia?

bris simul motis in Sensorio communi , omnis Animæ perceptio fieri debeat, etiam ab earundem motu unius Objecti simplex idea Animæ representari poterit ; usque adeo ut, quanquam *Medulla Cerebri* ex parte duplex existat, in ea tamen unius Objecti idea simplex, à Nervorum è gemino Organo advenientium percusione contingere soleat.

*Nervi gen-  
mini in  
unam fi-  
bram ner-  
vorum non  
coeunt.*

XII. Tametsi proin largiremur *Ingeniosiss. Cartesio*, Nervos in superficie cavitatis Cerebri , sive in Plexu , ut loquitur, & hoc mediante in *Glandulâ pineali*, ceu in Sensorio communi concurrere, duo tamen Nervi, v.gr. *acustici*, qui semper existunt plurimarum fibrarum, ceu totidem minorum nervorum fasciculi , quibusque motus aliquis ab Objecto externo in gemino Organo est impressus, in dictâ parte nunquam ita convenire possent, ut in unicam fibrillam terminarentur, aut coirent, quoniam hoc & Naturæ legibus, ut jam suprà monitum , repugnat, & imaginationis nostræ vires superat ; jam verò necessariò plurium fibrarum percusio, ab Objecto externo facta , ad Glandulam pinealem deferri, atque sic in eadem multiplex objectum apparere debisset; id quod tamen ipsius *Cartesii* asserto contradicit. Ut adeo, quam Philosophus hic in Cavitate Cerebri Tubulorum nervosorum concentrationem , quamque in *Glandulâ pineali* functionem contingere afferuit , eam in *totâ Cerebri Medullâ* stabiliendam esse arbitremur. Qui verò cum *Experientiss. Bergero Physiol. Med. Lib. I. Cap. XXIII. pag. m. 332.* Animæ Sedem restringere volunt ad partem illam, quæ *Corporis callosi* , *Centrig. ovalis* nomine donatur , iis non adeo magnoperè refragabimur, si modò universalem Nervorum concursum ibi fieri monstrant apertius.

*Anima-  
ration. se-  
des in me-  
dulla Ce-  
rebri.*

XIII. Est igitur *Medulla Cerebri*, in qua suam Animæ sedem figit, cui immediatè unita est, ac unde suum in corpus exercet imperium, suasque variè cogitando , intelligendo, volendo, judicando &c. specialius, quām in reliquis partibus functiones peragit. Hisce verò, prout optimè *Cartesius* notavit, modò varios pro suo arbitrio motus imprimit ; modò vicissim ab earum qualicunque percusione variè afficitur, percipit, atque ad has vel illas cogitationes, & Affectus seu

feu Passiones invitatur ac disponitur. In quâ quidem motuum corporis, & Animæ cogitationum reciprocatione utriusque Unionem consistere probabile est.

XIV. *Unionem hanc Corporis & Animæ corporalem Unio Corporis & Animæ non est corporalis.*

sibi forsan imaginantur, qui principaliorem hanc partem essentialem Hominis è Spirituum immaterialium classe exterminatam volunt, & nescio quo crasso conceptu illam subtilissimam quandam sui generis materiam esse contendunt, cogitandi vi à Conditore summo beatam. Verum novam hanc, ex Ethnicorum & Stoicorum magis, quam Christianorum Scholis proficiscentem sententiam, tanquam erroneam & maximè periculosam, cum veris piisque Theologis omnibus rejicimus, utpote haud difficulter, nostro quidem sive metu sive arbitratu, ad dubitationem de Animæ immortalitate formandam, imò ad hujus mortalitatem & exinanitionem asserendam, hinc ad perpetrandam quævis scelera, denique ad atheismum ipsum statuendum, allicientem, invitantem, ac ultrò ferè ducentem: Si Anima certè esset materialis, tum ejus actiones unicè dependerent à motibus Objectorum variis, neque eas unquam suā voluntate corrigere mutareque posset. Evidem Christianus quisque, si modò verè talis sit, non rarò pugnam sentit inter carnem suam, quæ corporea est, & Spiritum sive Mentem incorpoream, ita ut subinde pellicientibus Objectis externis ad perpetrandum aliquod peccatum, vel invitus renitenteque spiritu, vel præceps atque inadvertens rapiatur; hoc tamen ipsum non potest argumento inservire ad materialitatem Animæ asserendam, cùm sèpius etiam ipsa Mens sano rectoque suo judicio carnem domare, retinere, atque à committendis actionibus vitiosis arcere sciat. Præter hæc concipi nequit, quomodo cogitandi & ratiocinandi facultas in materiale quoddam sive extensem, utut hoc subtilissimum, uti loquuntur, ens cadere queat; vel quomodo Mens, si materialis existeret, meditari quædam per se, vel excogitare, atque ideas sibi formare posset quamplurimas, cum alligata Corpori perpetim ab Objectis corporeis in tali negotio impediri deberet. Ut adeo firmo semper talo communis stet rectè intelligentium senten-

tia,

tia, quâ *Anima rationalis* sive *Mens humana*, cùjus respectu Homo ad imaginem Dei conditus est, *Spiritus* dicitur *immaterialis*, *incorporeus*, extensione omni carens, *indivisibilis*, adeoque *cogitans*, *ratiocinans*, humano corpori divinitus infusus, eoque tanquam domicilio vel instrumento, ad exercendas actiones mundanas, per certum, ab Omnipotente Creatore determinatum, tempus utens.

*Origo*  
*Mentis, vel*  
*eius tem-*  
*pus, mo-*  
*dusque u-*  
*nionis cum*  
*corpore*  
*obscurus.*

XV. De Origine verò *Mentis*, ac tempore modoq; quo quidem Cerebro humani Corporis illa unitur, si disquirere heic vellemus, rem aggrederemur non solum ab instituto nostro alienam, sed etiam difficultatibus tantis irretitam, ut ipse Augustinus Tomo II. Epist. 120. ad Honor. satius esse judicaverit, rationem de adventu vel exortu *Animæ nostræ*, dum in hac vitâ sumus, perpetim querere, quâm eam aliquando invenisse præsumere; cùm, ut idem Tom. IV. Lib. de Essent. Divin. monuit, *Origo Animæ occulta sit, Deoq; soli cognita*. Communis tamen opinio ac sententia, omnium penè Reformatæ Christianorum Religioni additorum, nec non Collegii Comimbricensis Lib. I. de Anim. Quæst. 3. Artic. 2. Johannis item Zeifoldi Philosophi Jenensis, Tractat. de Origine Formar. Disput. 7. & 8. ea est, quâ Animas neque vi Seminis propagari, neque omnes simul ab orbe condito fuisse creatas, ac postmodum in formata Hominum corpora, tanquam in carcere divinitus immissas, & adhucdum immitti; neque à substantiâ Essentiæ Diuinæ proficiunt; neque ab Angelis creari; neque per traducem à Parentibus, quemadmodum lumen à lumine accenditur, produci statuunt, sed eas quotidie à Deo noviter creari asseverant. Etsi enim in Sacris Literis Genes. Cap. II. extet, Deum septima die ab opere Creationis quietuisse, nusquam tamen habetur, vel Animas omnium Hominum, qui ab Orbe condito in hanc usque diem vixerunt, in primâ Adami creatione, velante hunc etiam conditas fuisse: aut etiamsi nullibi dicatur, Deum novas quotidie Animas è nihilo producere, eapropter tamen hæc sententia vel ideo statim rejici non debet, quoniam Deus in diebus Creationis hujus Mundi, nonnisi species Creaturarum omnium è nihilo fecit, neque ab eo tempore novas alias condidit; hinc etiam,

dum

*Anima*  
*humana*  
*quotidie*  
*creantur*  
*de novo.*

dum quotidie suo nutu creationem novarum animarum  
continuat, nullam creaturæ alicujus novam speciem efficit.

XVI. Evidenter qui hodie acriter defendere conantur, in Generatione Hominis masculinum Semen, vel hujus subtilissimam qualemcunque auram, in Ovo fœmineo non producere vi plasticâ quadam formam novi Hominis, sed rudimenta tantum novi Fœtus, jam inibi formata, immisso vitali motu expandere, ac ita vivificare, illi etiam ex parte dicere statuereque solent, in Ovario primitivæ nostræ Matris Evæ, jam omnia universorum Hominum, qui vixerunt, vivunt, & victuri sunt, Ovula extitisse, idque probare volunt ex Cartesianâ materiæ in indefinitas particulas maximè minutæ, si non in infinitas divisiones; sibi imaginari nescientes, utpote nullis Mechanices regulis demonstrabiliem, motum illum Seminis tam masculini, quam fœminini plasticum, ob quem adeo constanter simile semper Individuum, & non frequentissimè aliud quodvis corpus inde exurgat. Hic verò Medici, talem opinionem pertinaciter foventes, quando durum fortè ipsis videtur statuere, Deum Animas in Barbarorum, Gentilium, & Atheorum generationibus noviter quotidie creare, quæ postliminiò non sint nisi certa Blasphemiarum atque Idololatriæ detestandæ instrumenta, afflere quoq; facile possent, Animas omnium Hominum rationales, in primâ creatione è nihilo productas, atque Ovulis illis infinitis immisas illigatasque fuisse, ita ut neutiquam opus fuerit, aut etiamnum sit, novas semper in quotidiana Hominum generatione Animas produci atque creari, utpote, quod hæ in vivificato cujusvis Ovuli Embryone jam præexisterent. Quod si verò huic dein sententiæ objiceretur, quidnam tot Animarum myriades in Ovario Evæ egissent, cogitassent, aut ratiocinatae fuissent? Respondere possent tales Medici, non fecisse illas quid aliud, quam solent alias infusæ, secundum communem sententiam formatis Embryonum corpusculis Mentes humanæ, quarum in illis operationes planè nesciuntur. Si porrò objiceretur, hac ratione, sicuti quamplurima Ovula infœcundata manent, minusque vivificantur, totidem quoque Animas frustra à

Deo creatas fuisse; responderent iterum, fortè non omnibus, sed iis tantùm Ovulis Animas inditas fuisse, è quibus Conditor Omnipotens & Omniscius Homines tandem prodire voluit; imò plurimas etiam Animas ex Ovulis vivificatis, atque Embryonibus ante vel post partum statim mortuis, revocatas ad æternitatem fuisse, & adhuc porrò sàpius revocari. Sed hæc malumus perspicacioribus expendenda relinquere, quàm certi quid in tanta rei obscuritate definire atque statuere. Præprimis autem heic Theosophiæ cultoribus lustrandum permittimus, annon talis sententia locum invenire, & annon ex illa Peccati originalis translatio ad universum genus humanum facilius clariusque explicari posset?

*Tempus ac  
modus in-  
fusionis A-  
nimæ ob-  
scurus.*

XVII. De tempore ac modo, quo quidem Anima rationalis Cerebro formati ac vivificati ex ovo Hominis immittitur & unitur, nescimus iterum, quid statuere debeamus, quocunque enim nostræ se cogitationes vertunt, nil nisi te nebras hac in re offendunt. Interim, dum communis opinio vult, creari de novo semper animas, fiet id tum demum, quando Cerebrum in Embryone humano jam formatum, modisque omnibus absolutum est; nullumque penitus intervallum, sive momentum temporis inter creationem ejus atque unionem cum Cerebro intercedere, sive, ut alii loqui amant, à Divini Numinis providentiâ Mens humana uniendo creari, & creando uniri debebit.

*Corporis  
callosi u-  
sus.*

XVIII. *Corpus callosum* reliquæ Cerebri medullæ fundamentum & basis quasi existens, tubulos nerveo Fluido riguos inde recipit, atque eosdem densius collectos vel compactos subiectæ Medullæ oblongatæ committit; ex parte verò etiam ipsi Fornici concedit, qui non nisi *corporis* processus existere videtur, atque usum præstat partim cum eodem *corpore* communem; partim etiam cum *lucido Septo* adcavitatis Cerebri in *Ventricul* sdistinctionem inservit.

*Ventricu-  
lorum Ce-  
rebri usus.*

XIX. *Ventriculi* autem Cerebri tam anteriores, quàm posteriores receptaculi cujusdam munere fungi nobis videntur, quatenus nempe Humorem seroso-aquosum, tum è Plexùs choroidei glandulis secretum, tum etiam ex ipsis partibus circumiacentibus exsudantem vel transpirantem, in suam

suam cavitatem recipiunt, eumque hinc ulterius ad excretoria loca amandandum, ipsi Infundibulo potissimum immittunt. Hujusmodi verò usui destinatos esse *Ventriculos istos*, ex Observationibus plurimū confirmatur, quotidie enim in Cadaverum apertione & lustratione videmus Cerebri cavitates serosā humiditate repletas existere; non raro etiam in statu præternaturali tanta fit in ipsis aquosi ichoris colluvies, ut plures quandoque uncias hinc extrahere datum sit. Ea ipsa verò colluvies nonnunquam apoplectici *Colluvies Morbi causa*, per compressionem Medullæ circumfusæ eva-*serosa A-*  
*dere potest.* Ita cùm Anno 1709. d. 16. April. Argentorati *poplexiæ*  
*Cadaver aperuissimus Mulieris vino multum deditæ, ætatis* *causa.*  
*Observa-*  
*circiter 40. annorum, brevis aliàs staturæ, sed supra modum* *tio.*  
obesæ (ut præsentes omnes tantæ pinguedinis, quæ sub cute ad 5. propemodum transversorum digitorum crassitatem undiquaque accedebat, molem non sine admiratione spectaremus) quæ post cœnam lautiorem solito, & Vini haustus largiores, ex inopinato, cùm sellæ prius insediisset, & tantillum vomuisset, in terram concidit, animamque reddidit; detecto cranio in Ventriculis Cerebri colluviem aquosi ichoris maximam invenimus, quæ libram unam suo pondere facile superasset, ut neutquam dubitaverimus, à mole istâ Cerebri cameram, & subjectas substantiæ medullosoæ partes nimioperè compressas apoplecticum Insultum, quo Fœmina subito extinta fuit, produxisse: quanquam etiam maculae & tubercula quædam minuta rubicunda, quasi inflammatoria, hinc inde circa Stomachi orificium sinistrum per tunicas sparsa & reperta, nonnullis adstantium Veneni propinati suspicionem commoverint.

**XX.** Quando itaque Ventriculi Cerebri ad serosas *Anima* humiditates recipiendas unicè sunt destinati, nulla amplius restabit de eorum usu controversia, sponteque adeo concidet eorum opinio, qui vel Animæ sedem, vel Spirituum *non residet in Ventriculis Cerebri.* animalium conceptaculum ibi constituere fategerunt. In Neq; sunt quam posteriorem sententiam cum affeclis suis *Renatum Des Spirituum Cartes* descendisse notavimus, dum inter alia *Tractat. de Hom. animali-min. Part. V. pag. m. 116.* de distributione Spirituum ita ait: *um rece-*  
*ptaculum.*

Nunquam vel uno momento in eodem loco consistunt, sed quam-  
primum ingrediantur in Ventriculos Cerebri, per poros glandulæ,  
statim tendunt versus eos tubulos, qui præ aliis directe opponun-  
tur poris istis. Et paulo post citat. loco pag. 120. Jam ve-  
rò, inquit, cum Cerebri substantia mollis & flexilis sit, ejus  
Ventriculi valde angusti, & fere in totum clausi essent, ut in  
Cadaveris humani Cerebro apparent, si nulli in eos Spiritus in-  
gredierentur. Ingeniosa quidem hæc, ut omnia Cartesii co-  
gitata, opinio est, sed quæ tamen omni probabilitate & fun-  
damento, ut liberè bonaque cum venia quod verum esse  
puto, fatear, caret ; postquam enim experientia anatomica

*Sed Lym-*  
*pham a-*  
*quosam*  
*naturali-*  
*ter etiam*  
*secretam*  
*admit-*  
*tunt.*

ostendit, etiam in statu naturali & vegeto Ventriculos istos.  
Lymphâ refertos existere, non est quod à Cartesianis, & Cele-  
berr. de La Forge, qui non nisi in Hominibus morbo quodam  
extinctis id contingere & observari, contra Bartholinum asse-  
ruit, in *Natis ad Part. V. Tract. de Homin. Cartes. pag. m. 114.*  
amplius regeri posse videatur. In omnibus autem Cadave-  
ribus Ventriculos Cerebri Lymphâ quadam refertos inveniri,  
etiam in statu naturali, extra controversiam est ; nisi dicere  
velimus, omnes Homines tali morbo interire, qui aquam in  
Ventriculos illos effundat, quod esset absurdum, quoniam in  
Subjectis violentâ morte extinctis, adeoque in Hominum  
benè valentium, Brutorumque trucidatorum Cadaveribus,  
cavitates illæ Cerebri phlegma in se nullum continere debe-  
rent, cuius tamen contrarium & propria nos autopsya, & per-  
spicacissimorum Anatomicorum experientia docuit.

*Plexus*  
*choroidis*  
*vasus.*

XXI. *Plexus choroides* in duas alas posterius in Ven-  
triculis expansus, cum inter vascula sua innumera, copiosas  
simul glandulas, sicut in descriptione ejus ostensum fuit,  
contineat, dubium esse nullum debet, quin ejus ope serosa  
magis, & Fluido nerveo gignendo inepta portio ex Sanguine  
arterioso secreta, in Ventriculorum cavitatem deponatur.  
Ut hoc modo Sanguinis dephlegmationi, depurationi, &  
attenuationi inservire, ac simul qualicunque suo calore  
circumiacentes Medullæ Cerebri partes refocillare potius vi-  
deatur, quam, sicuti quidam perperam finxerunt, Spirituum  
animalium secretionem promovere.

XXII. Cor-

**XXII.** *Corpora striata* in Ventriculis Cerebri anterioris conspicua, cùm duplici etiam gaudere substantia medullosa deprehendantur, verosimile est, in illis quoque nervum Fluidum, non secus ac in Cortice Cerebri, ex puriore ad labente Sanguinis latice segregari, illudque postea in excretorios tubulos, sive strias albicantes numerosas diffundi. Quæ striæ dein colligatae, ex parte olfactorio Nervorum pari, quod circa extremitatem *Corporum striatorum* prodire notatur, in specie originem dare videntur.

**XXIII.** *Thalami Nervorum opticorum* sive *Crura Medullæ oblongatae* peculiare quid in suâ structura non redundunt, ac idcirco videntur tantum esse simplices eminentiæ aut processus, tum ad Fluidi nervei secretionem aliqualem; tum etiam ad ejusdem dispensationem, & ad nervosos tubulos colligendos, coercendos atque compingendos facti: qualem quidem usum statuimus communem omnium in genere *Protuberantiarum medullofarum*, tam circa Cerebrum proximè, quam in Medullâ oblongatâ conspici solitarum; Speciatim verò hi *Thalami* Nervis opticis, qui inde emergere cernuntur, ortum concedere videntur. Legi in hanc rem meretur Willisii Observatio *Anat. Cereb. Cap. XIII.* pag. m. 99. quâ quidem in Volucibus & Piscibus dictos *Thalamos* ingenti mole protuberantes, & Cerebro ipso haud multo minores existere, non semel expertus est: arguento, quòd, sicut Volucres præ aliis Animantibus visu pollent acuto magis, ita ampliori etiam *Thalamorum istorum* mole instruantur; quod itidem obtinet de Piscibus, modò consideremus, visionem ipsorum per medium crassius, Aquam scilicet, contingere.

**XXIV.** Circa *Nervos opticos* autem hoc præcipue animadvertendum venit, quòd propè Infundibulum mutuo quasi coalescant. Evidem Anatomicorum nonnulli per totalem substantiæ confusionem id fieri arbitrabantur, sicque effici credebant, ut Objectum aliquod binis Oculis representatum, non duplici sed unicâ tantum facie ad Sensorium commune pertingat. Quin simul sibi persuadebant, functiones talium *Nervorum opticorum* invicem ita communicare;

ut alterutro eorum obstructo, infarcto, resoluto, vel aliter etiam lœso, omnis visiva virtus in alterum adhuc sanum, adeoque in unum Oculum transferatur ac redundet; hincque dependere autumârunt, quod Monoculi visus sui acuminis & excellentiæ aliis Hominibus, gemino præditis Oculo, nihil cedere soleant. Verum si autopsiam super dictam Nervorum opticorum coalitionem consulamus diligentius, falsum esse omnino deprehendemus, illos per aliquam substantiam confusionem, aut, velut aliis loqui placet, decussationem saltem radiorum conjungi; cum nonnisi Membranarum suarum medio firmiter secum invicem connasci videantur. Id quod cum primis etiam ostendere conatus est Isbrandus de Diemerbrœk *Anat. Corp. Hum. Lib. III. Cap. VIII. p. 606.* ubi Autopsiæ propriæ plurium Authorum observationes idem evincentes superaddit. Nam, inquit, Vesalius, Aquapendens, & Valverda scribunt, se aliquando hos Nervos ductus toto divisos observasse, atque inde concludunt, semper duos esse Nervos, sed communiter ad concursum membranis unitos.

*Uſus Cor-  
porum or-  
biculati-  
um Cere-  
bri du-  
bius.*

XXV. Sequuntur quatuor illa *Corpuscula orbicularia*, sub *Natium* & *Testium* nominibus in descriptione prioris nostræ Dissertationis exposita; circa quorum usum & actionem magna est apud Anatomicos etiam Celeberrimos lis & controversia, eo quod ratione certum quid assequi, vel ex observationibus solidum quicquam ea de re statuere atque probare vix liceat, ut eapropter de eorum functione certa dubii haud immerito hæreamus. Willius ingenioso asserto autumat *Nates* & *Testes* esse corpora media, per quæ Spirituum animalium è Medullâ oblongatâ in Cerebellum transfluxus, rursusque è Cerebello in Medullam oblongatam commeatus detur, atque sic, ut conjecturat, communicatio motuum inter Cerebrum & Cerebellum, per consequens etiam Passionum Animæ cum Actionibus automaticis consensus fiat. Vide sis ejus *Anat. Cerebr. Cap. XIV. pag. m. 107. & seqq.* Verheyius autem, *Medicus & Anatomicus Lovaniensis Celeberrimus*, conjicit, *Natum* munus forsan circa Cibi, *Testium* verò circa Potūs appetentiam versari, ex eo quod *Nates* in Bobus, Ovibus, similibusque Animalibus majores, in Homine autem minores

minores longè observentur; contrà *Testes* in iisdem Brutis  
minuti, in Homine verò non adeo parvi animadvertantur.  
Videlicet, ut judicat, quia illa Animalia victui quæritando  
assiduè incumbunt, de potu non adeo frequenter nec multum  
solliciti, ubi secus Homo de victu, seu cibis quærendis non  
tam anxiè laborat, contrà verò potui copiosiori, quam præ-  
fata Bruta, vacare solet; vide ipsius *Anat. Corp. Human.* Sed  
æquè *Willisi* prior, ac *Verheyii* posterior conjectura infirmo niti  
videtur fundamento, atque nihil omnino evidenter proba-  
bile concludere. Tametsi enim *Willisio* largiamur, comuni-  
cationem Cerebrum inter & Cerebellum necessariam esse,  
quia Passioneum Animæ cum involuntariis seu automaticis  
actionibus, Cordis v. gr. motu, Chylificatione &c. consen-  
sus observatur, tamen liquidum nondum est, eam per *Na-*  
*tes* & *Testes* præcisè contingere; quin potius per occultam  
viam, eamque forsan imperscrutabilem, aut per congressum  
**Nervorum Cerebelli & Cerebri extra Cranium** id fieri arbi-  
trarer. Quod autem posteriorem attinet *Verheyii* conjectu-  
ram, Homo certè habitâ proportione ordinariè non plus,  
quam Bruta perfectoria bibere videtur; quanquam per pra-  
vam & maximè detestandam consuetudinem multi, & nimis  
omnino multi observentur Bibuli, qui præternaturalem po-  
tūs appententiam luxu suo contraxerunt; à quâ profecto  
Siti extraordinariâ & præternaturali ad naturale & ordina-  
rium potandi desiderium, in Hominibus majus quam in  
Brutis statuendum, nulla videtur esse consequentia: præser-  
tim cum Homines reperiantur, in sequiori maximè sexu  
quamplurimi, qui parum, & quandoque per aliquot dies nihil  
planè bibunt. Sic etiam quod Cibi attinet desiderium, ne-  
scio an Homines, proportione corporis habitâ, minus quam  
Bruta comedant; aut etiamsi concederem hoc, nullam ta-  
men adhuc vim sequelæ viderem. Igitur speciosis ejusmodi  
functionibus, quas quidem dicti Auctores *Prominentiis illis* in-  
geniosè satis attribuerunt, ceu dubiis, relictis, dum glandulo-  
sam illarum substantiam, aliis Cerebri medullosois Protu-  
berantiis haud absimilem notamus, potius aliquam in  
illis Fluidi nervosi secretionem contingere verosimile  
judicamus;

*Fluidum in illis nervis secerni vi- detur.* judicamus ; quod dein fluidum Cerebello vel Medullæ obongatæ per tubulos nervosos infusum, hincque ultius per Nervorum ductus delatum, ad Motum vel Sensum loco incognito promovendum, conservandumve suam operam contribuat. Cui sententia favet cum primis *Celeberr. Riedley*, qui *Anat. Cerebr. Cap. XIII. pag. m. 133.* Negari equidem non potest, ait, ea, scilicet Testium & Natum corpora, esse corpora medullaria, suumq; symbolum non minus, ac reliquæ Cerebri partes, addere in *Fluido animali seu Spiritibus elaborandis*. Ubi enim ea dissecui, ex eadem, ac Processum annularem & Thalamos Nervorum opticorum, scilicet partim cineritiæ, partim medullari, & in Cerebris recentibus aliquatenus striatâ substantiâ conflari observo.

*Glandulae pinealis usus.*

XXVI. Pinealis glandula, in angulo, quem Nates efformant, suspensa, postquam *Philosophorum modernorum princeps*, cui magnam scientiæ nostræ quantulæcunque partem debemus, *Cartesius* inquam, Animæ rationalis nostræ sedem in eâ collocavit, omnium oculos & mentes in se convertit. Quò autem Viri sententia vel hypothesis pateat clarius, placet huc verba ejus de *Glandula* hac transcribere, quæ habet *Tractat. de Passion. Anim. Part. I. Artic. XXXI.* ita sonantia : *Sciendum quoque, quod licet Anima sit juncta toti Corpori, in illo tamen est quædam pars, in qua exercet suas functiones specialius, quam in cæteris omnibus.* Et vulgò creditur, hanc partem esse Cerebrum, aut forte Cor, quoniam tanquam in ipso Passiones sentiuntur. Sed rem adcuratè examinando, mihi videor evidenter cognovisse, partem eam corporis, in quâ Anima exercet immediate suas functiones, nullatenus esse Cor, neque etiam totum Cerebrum, sed solummodo maximè intimam partium ejus, quæ est certa quædam glandula admodum parva, sita in medio substantiæ ipsius, & ita suspensa supra canalem, per quem Spiritus cavitatum Cerebri anteriorum communicationem habent, cum Spiritibus posterioris, ut minimi motus, qui in illa sunt, multum possint ad mutandum cursum horum Spirituum, & reciprocè minimæ mutationes, quæ accidunt cursui Spirituum, multum inserviant mutandis motibus hujus glandulæ. Articulo sequenti dein ita pergit : *Ratio quæ me*

me movet , ut credam , Animam non posse habere in toto corpore alium aliquem locum, præter hanc Glandulam, ubi immedia-  
tè exerceat suas functiones, hæc est; quod considerem alias omnes  
partes nostri Cerebri duplices esse, prout etiam habemus duos  
Oculos , duas Manus , duas Aures , & denique omnia Organa  
nostrorum Sensuum externorum sunt duplia. Et quia nonnisi  
unam & simplicem cogitationem unius rei eodem tempore habemus,  
necessariò oportet dari aliquem locum, in quo duæ imagines, quæ à  
duobus Oculis veniunt, aut duæ illæ aliæ impressiones, quæ ab uno  
objecto veniunt , per duplia Organa aliorum Sensuum, possint  
convenire in unum, antequam ad Animam perveniant, ne ipsi  
repræsentent duo Objecta loco unius. Et facile concipere est, has  
imagines, aut alias impressiones uniri in hac Glandula, ope  
Spirituum, qui replent cavitates Cerebri ; sed nullus locus aliud  
in corpore est, in quo ita possint uniri, nisi quatenus in hac Glandula  
unitæ fuerint. Atque hæc est Cartesii hypothesis de Glandula pineali & Spiritibus animalibus, è cavitate Cerebri in  
illam appulsis, quâ quidem tota ferè Tractatus de Homin. Pars  
quinta absolvitur, ac ubi Sensationes, Motiones, cunctas-  
que adeo Functiones animales per idem fundamentum,  
curiosâ non minus quam ingeniosâ subtilitate explicare &  
demonstrare conatur. Cui quidem opinioni , qui fabri-  
cam Cerebri ignorant , ac propriis non intuentur lu-  
strantve oculis, assensum facile præbent, & longè verissima  
tenere credunt : Anatomici autem , qui intimius naturam  
Cerebri & partium ejus scrutantur , ac perspectam habent,  
facile largiuntur, non nisi ingeniosa illa esse commenta, & sub-  
tilia Philosophi tanti cogitata. Evidem mirari oportet  
insignem Viri illius industriam, & rationis maximum acumen,  
quo Functiones Sensuum Motusque explicare sategit, meri-  
tòque ipsius placitis assentiremus , si modò sublimes, quas  
formavit, suppositiones , cum naturæ simplicitate conve-  
nirent. Appositiè hinc Medicus quidam *Anglus Colleg. Lon-*  
*din. Socius Celeberr.* sublimem & admirandam Cartesii Phi-  
losophiam majori se commendaturam fuisse utilitate ait, si  
plus temporis disfectionibus , minusque speculationibus tri-  
buisset. Videtur enim pro perspicacitate suâ longè alias sta-

biliturus fuisse hypotheses , si Cerebri fabricam clarius habuisset perspectam , prout nimirum hodiernis Anatomicis , ex novis inventis & observationibus quamplurimis innotuit.

*Difficul-tates circa opinionem Cartesii.* Ut autem nostras circa opinionem istam difficultates proponamus , 1. Quis unquam Nervorum in PLEXU , seu Superficie cavitatum Cerebri concursum , & TUBULORUM nervorum aperturam , sive hiatus in VENTRICULOS demonstrabit ? Profectò horum facies , intus extusve etiam lustrata , omnino repugnat ; quosdam enim , ne dicam cunctos , ibidem Nervos coire vel convenire , & in CAVITATEM versus GLANDULAM dictam aperiri , falsum esse Autopsia sufficienter docet . Atque ut 2. experientia rationem addamus , annon est contra leges mechanicas naturæ , statuere , ex angustis Nervorum poris vel canaliculis Spiritus animales in amplam Cerebri cavitatem extravasari ? Nonne suum ita motum infringi paterentur ? 3. Deinde quomodo Spirituum , quos tam subtilem Cartesius in VENTRICULIS affervari statuit , in GLANDULÆ pinealis poros ingressus & egressus , sive influxus in eam , & effluxus ex eâ reciprocus , sine confusione qualicunque peragi posset ? Certè putarem , si Spiritus tales modo per tubulos nerveos adfluere , & GLANDULAM ingredi , modo iterum refluere , & per eosdem tubulos reverti debeant (quia Spiritus , ex Cartesii hypothesi , necessariò à corpore ad GLANDULAM , & vicissim ab hac versus corporis partes moventur ) insignem eorum in Nervis , aliisve , in quibus ex ejus opinione hospitantur , partibus confusionem & luctam oborituram ; ac proin id non magis est possibile , quam esset , si Sanguis per arterias è CORDE fluere , & iterum per easdem ad COR refluere deberet . 4. Etiam ad motum illum Spirituum in VENTRICULIS Cerebri , quem Author noster agnoscit , tam celerem , minimè congrueret mollis adeo & phlegmatico - humida Cerebri VENTRICULARUM dispositio , & GLANDULÆ pinealis laxitas . 5. Insuper tam apposita non est GLANDULÆ pinealis , respectu VENTRICULARUM Cerebri , positura , qualem Cartesius sibi imaginatus fuit , id quod iterum autopstia sufficienter docere potest . 6. Atque etiam , quod de GLANDULÆ ejusdem suspensæ mobilitate , quā fiat ut Spiritus modo in hos , modo in illos

poros

poros influant, supponit, minus probabilitatis habet; profectò pars molliuscula & glandulosā, nec ita leviter suspensa, quemadmodum est *Glandula pinealis*, tam regularis & cele-  
ris mobilitatis haud capax videtur. 7. Denique *Glandula dicta* vel ideo *Sensūs communis Organum esse nequit*, quia non est medullaris & nervosæ texturæ. Etenim partem, quæ Spirituum motibus recipiendis ac dirigendis inservire debet, necessariò nervosam existere debere, haud credo quisquam inficias ibit. Cùm itaque autopsia & experientia sufficiens nos doceat, nihil minus, vel in *Plexu superficiali Ventriculo-rum*, vel in *Glandulā pineali*, quam Nervorum fieri concur-  
sum, imò ne vix quidem ulla esse nervea filamenta, quæ Glandulam hanc ingredientia demonstrari vel inveniri possint; non video rationem amplius ullam superesse, quæ nos ad premenda hac in re vestigia *Cartesii* magnoperè impellat. Evidem haud refragamur, istam *Glandulam* unicam esse & in-  
divisam, atque in medio quasi Cerebro aliquatenus suspen-  
sam, quod alii nulli parti competit; sed hoc tamen minimè sufficit, ut eapropter illam statim pro Animæ sede agnosca-  
mus. Quidcunque enim largiamur, semper falsum mane-  
bit, Nervorum aliqua filamenta, ne dicam universa, quod primarium est, ad Animæ Sedem & Sensorium commune sta-  
biliendum, requisitum & fundamentum, in dictâ parte ter-  
minari, concurrere, aut uniri.

*Conclusio.*

**XXVIII.** Quod enim attinet *Processus illos medullares*, à *Processus illi me-  
dullares Thalamo-  
rum opti-  
corum non  
ingrediun-  
tur Glandulam.*

**Thalamorum** opticorum jugis exortos, & versus *Glandulam pinealem* protensos, nonnulli quidem ex *Cartesii* sequacibus eos ipsi planè inseri putârunt; sed hoc falsum esse docet au-  
topsia, diligentiori enim factâ inquisitione, nulla *Processuum istorum* pars *Glandulam* ingredi observatur: velut id etiam *Willisium* adnotâsse *Theſ. XVI. prioris Differt. nostræ* monuimus. Sed idem tamen ulterius *Clarissimi Riedley* experientia solide confirmat, vid. ejus *Anat. Cerebr. Cap. X. p.m. 117.* Hoc posito etiam ultrò cadit *Clariss. Vieussens* opinio, quâ *Glandulam pinealem* ad Spiritum quendam animalem, ex *Nervulis ipsi* insertis recipiendum, inservire arbitratur, ut videre est in *ipsius Neurolog. univers. Lib. I. Cap. XI. pag. 71.*

*Objec̄tio a-  
lia adver-  
tesi sententiæ addictis objiciam, cur quæso *Glandula pinealis*  
*sus Cartesii* in Ove, Capræ, iisque adeo Animalibus, quæ, ut cum vul-  
ge loquar, imaginatione memoriâe propemodum destitu-  
ta sunt, & præ Homine longè torpidiores habere Sensus so-  
lent, major & notabiliter amplior existere observatur, quam  
in Homine, si Sensorium coñune & Animæ sedem in eâ con-  
stituant? Ais fortè in Brutorum *Glandulâ pineali* præter Sen-  
sum coñunem, Memoriam quoque aliquatenus exerceri,  
in Homine autem unicè magis Sensus coñunem ibi stabili-  
ri; ac eapropter dictam *Glandulam* in Brutis majorem, in Ho-  
mine verò minorem existere. Cui opinioni ansam quoq; præ-  
bere posset *Cartesius*, quando in *Epistolar. Part. II. Epist. XXXVI.*  
ita ait : *Sed quantum ad species, quæ in Memoriâ obseruantur,*  
*illas non aliter concipio, quam ad instar plicarum in chartâ semel*  
*complicatâ permanentium ; & sic credo, illas præcipue recipi in*  
*totâ Cerebri substantiâ, quamvis non negem, quin in istâ etiam*  
*Glandulâ aliquatenus esse possint, maxime in stolidioribus inge-  
niis. Præstantiora enim & acriora ingenia quod spectat, illam val-  
dè liberam & mobilem habere debent ; quemadmodum etiam vi-  
demus, eam esse in Hominibus minorem, quam in Brutis, in qui-  
bus cæteræ contrâ Cerebri partes sunt majores. Verùm enim-*  
verò si repetamus, quæ superius jam diximus, *Glandulam*  
*pinealem* non esse partem medullarem & nervosam, patebit  
etiam, illam Memoriæ organum nullo modo existere posse.*

*Glandula  
pinealis  
Morbis ob-  
noxia.*

XXX. His adde demum, quod *Glandula pinealis* præ-  
aliis Cerebri partibus sit Morbis variis obnoxia, unde v. gr.  
subinde, imò frequenter admodum Muco copioso infarcta &  
oblinita, vel scirrhosa sive indurata deprehensa fuit, Ho-  
mīne nihilominus vivente, sentiente, ratiocinante: id quod  
fieri minimè potuisset, si Animæ sedes in eâ existere debu-  
isset. Ut taceam nunc partim Homines viventes, atque ra-  
tione sanâ utentes, quibus eadem pars ossea connata fuit: par-  
tim *Sylvii* observationes, ubi in *Glandulâ pineali* Are-  
nulas sæpius, & Calculum aliquando invenit subrotundum.  
Qualem etiam Calculum, ultra dimidium *Glandulæ* occupan-  
tem, *Florentius Schuyl* observavit, uti patet ex ejus *Præfatione*  
*ad Tract. de Hom. Cartes.*

XXXI.

**XXXI.** Quando igitur nulla planè invenitur in corpore nostro pars una, eaque indivisa, in qua omnes penitus Nervi, tanquam in origine suâ convenientiunt atque uniuertur; sed in universâ prorsus Cerebri anterioris Medullâ cursus Nervorum contingit, in eâ potiori jure, quâm in *Glandulâ pineali*, Animæ habitaculum, ubi immediatè suas exerceat functiones, constituendum esse nobis videtur, eo modo, quem superius *Theſi XI. & seqq.* sufficienter jam expositum trādidimus

*Animæ  
habitacu-  
lum in Me-  
dullâ Ce-  
rebri.*

**XXXII.** Pinealis autem *Glandula* ad Lympham quan-dam ex arterioso Sanguinis latice segregandam, hincque per *Ventriculorum* hiatum ad *Infundibulum* transmittendam potius, quâm ad præbendum Animæ domicilium nata vide-tur; & hinc *Glandulæ serosæ* vel *conglobatæ* nomen meretur. Sicut optimè etiam hoc suis observationibus confirmat H. Riedley, *Anat. Cer. Cap. X.* In *Cerebro*, inquit, *hydropico Pueri Strumosi* eam, scilicet *Glandulam pinealem*, usque adeo tumefactam, ut solitam magnitudinem ter superaverit, & ratione copiosæ *Lymphæ gelatinosæ*, in eâ tam copiose stagnantis, perfectè transparentem confexi. Patet igitur exin, eam meram *Glandulam*, *conglobatarum* vel *lymphaticarum* speciei inferen-dam; adeoꝝ pro receptaculo *Spirituum Animalium* juxta Vieuf-senium, vel *Sede Animæ* juxta Cartesium minus aptam esse. Sed & secundiō *pinealis Glandula* ad choroideum Plexum in sua expansione sustinendum inservire videtur.

**XXXIII.** A *Cerebro* strictè sumto, cujus totius in *Cerebelli* genere, tum & partium ejus singularum in specie Functiones usus. hucusque exposuimus, separatur & distinguitur *Cerebellum*, posteriorem in *Occipite* situm globum efficiens, quod sine peculiari fine à naturâ haud factum esse, jam superius monui-mus. Circa illud quidem diligentius occupatus fuit *Perſpicaciss. Willisi*, qui proin singularem ejus usum adcuratius solidiusque determinâsse videtur; cùm enim in *Animalium* variorum *Cerebris*, diligenter cultro anatomico subjectis, per longam observationem animadvertisset, structuram & configurationem *Cerebri* anterioris in iis, quæ *Sensu*, *Ima-ginatione*, *Indole*que discrepant, multum variare; *Cerebel-*

*Glandula  
pinealis  
lymphana  
ſecernit.*

lum verò nihilominus in plurimis Animantibus, quantumvis specie, formâ, & indole differentibus, eodem utplurimum ritu constructum esse : cùm insuper ulteriori factâ indagatione Nervos, qui spontaneis & vitalibus Actionibus inserviunt, à Cerebello speciatim oriri adnotasset, uti legitur in ejus *Anat. Cerebr. Cap. XV.* tandem probabiliter admodum, nostro quidem arbitratu, *Cerebellum* ad vitales, & ab Animâ independentes Actiones atque Motus, velut sunt Cordis pulsatio, Respiratio ~~et ceteras~~, Alimentorum concoctio, Chyli protrusio &c. à summo Opifice specialiter destinatum esse asseruit. Id quod ulterius confirmare potest experimentum, à *Celeberr. Riedley Anat. Cer. Cap. XVII. pag. m. 149.* institutum, & à *Perrault. Mechan. des Anim. P. II. C. 7.* Viesens *Lib. I. Cap. 29.* Bohnio *de Renunc. Vuln.* p. 230. aliisque Viris Excellentissimis laudatum, quo quidem secto Animalis cujusdam Cerebro, Motus automatici, uti Cordis pulsus, adhuc horis aliquot perdurant: secto autem Cerebello, Cerebro licet integro servato, è vestigio omnes conquiescunt, & statim Animal moritur.

*Experi-  
mentum  
anatomici-  
cum.*

*Cerebelli  
partium  
Functio-  
nes.*

*Plexus  
choroideus  
Cerebelli.*

**XXXIV.** *Cerebelli Processus & eminentiae variæ, nec non substantia duplex corticalis & medullosa, cum similibus Cerebri anterioris supra expositis partibus, analogas Functiones obire solent, hoc tamen cum discrimine, quod Partium Cerebelli usus, ad spontaneas magis & vitales actiones dirigatur; illarum verò Cerebri ad animales & arbitrias potissimum. Pedunculi Cerebelli sunt medium, quo istud cum Medullâ oblongatâ conjungitur, & ita Liquidum nerveum, in Glandulis corticalibus progenitum, annulari Protuberantiae (deinceps quinto sexto & septimo Nervorum paribus ortum præbenti) infundere, hincque ulterius per eadem paria in corporis Viscera distribuere ac propellere solet.*

**XXXV.** *Plexus choroideus Cerebelli, quem in priori Dissert. describendum præterieram, oritur posterius à ramulis Arteriæ cervicalis, qui nimirum invicem commissi, cum Venulis comitibus in choroidem illum sive reticularēm Plexum expanduntur; hic dein immediatè sub pari octavo Nervorum*

vorum delatus , in quartum usque Ventriculum protenditur, ibique Cerebelli fundo superincumbenti laxius affigitur. Cum itaque Plexus hic glandulosus quoque sit, eique, qui anteriores Cerebri Ventriculos occupat , quoad texturam suam, valde similis deprehendatur, non hæsitamus ipsi quoque analogum adscribere usum, quo nimirum Cerebelli adstantes partes calore blando refocillare, atque Glandularum suarum ope serosam Sanguinis arteriosi portionem segregare dicitur, quæ dein secreta per Ventriculi quarti ductus continuationem ad Infundibulum corrivare ac profluere solet.

XXXVI. Ex haec tenus expositis jam difficile non erit, etiam *Medullæ oblongatae*, binis Cerebri & Cerebelli globis baseos ad instar substratæ, proprium & adæquatum usum divinare; hæc quippe medullares Tubulos universos, suo turgentibus Fluido, à Cerebro, Cerebello, horumque prominentiis in se colligit, arctius conjungit, coërcet, compingit, atque sub *Fasciculorum nervosorum* formâ demum ex sua substantiâ emittit, inque Corporis partes singulas, per Craniī foraminula penetrando distribuit; imò etiam accepta à Cerebro anteriori nervosa filamenta, Medullæ spinali per Occipitis foramen conmunicat, & cum eâ hoc pacto continuatur: cuius proin usum in *præcedente Dissertatione* circa finem attigimus. Hoc tamen adhuc notari velim, cum ipsa è dupliquo, scilicet *glandulosâ cineritiâ*, & *medullari albidâ* substantiâ confletur, etiam propriam in eâ celebrari Fluidi nervi secretionem atque dispensationem, usque adeo ut, si quacunque demum de causa Cerebrum deficiat, aut minus probè suum munus expediat, contingere soleat, ut *Medulla ista*, adaugendo & multiplicando suam operam, defectum illius compenset. Quod in primis ex observationibus, quibus Cerebro existente magis parvo, *spinalis Medulla* magnitudine multum increvisse notata fuit, verisimile fit, quam Observationem videre est infra Cap. II. Thes. 5.

XXXVII. *Infundibulum* serosos Humores è Cerebri Ventriculorum hiatu ad labentes recipit, atque pituitariæ Glandi potissimum infundit: quanquam Exper. Bidloo in splendida suâ Corp. *Humani Anatome* Tab. IX. *Infundibulum* cuius inseriat?

bulum illi Glandi non insertum, sed mediante tantum membranā quadam connexum esse doceat. Hujus enim assertum autopsia refellit, & què ac omnium aliorum Authorum experientia & authoritas, nec non Glandulæ illius magna humiditas, ita ut de insertione istâ vix ullus supersit scrupulus, meritòque receptus hactenus Infundibuli usus, scil. ad serofam Lympham, è Ventriculis Cerebri admissam, *Pituitaria* Glandi infundendam, confirmari videatur. Certè enim necesse est, ut Infundibuli liquor, ceu potiorem partem exrementius, alicubi è Cerebro foras protrudatur; secus enim in eo nimioperè cumulatus, brevi temporis spatio apopleticam Tragœdiam exerceret.

*Glandis  
pituitarie  
usis.*

XXXVIII. *Glans* igitur *Pituitaria* dicta, recipit osculis suis affluentem placide ex Ventriculis Cerebri Lympham, hancque per ductus excretorios, utut hactenus nondum adcuratè visos aut demonstratos, potissimā parte in palatum ablegare videtur. Sed & probilitate haud caret, eandem adhuc propriam obire Secretionem, quando glandulosam obtinere structuram, & arteriolis haud paucis irrigari, sub ejus administratione anatomicā cernitur; in primis arteriolas ejus Aquæ, Atramento probè tinctæ, injectione detegit. Procul dubio autem Lympham quandam, sive seroso-gelatinosam portionem è Sanguine arterioso Carotidum, per ramulos *Retis mirabilis* appulso, segregat, hancque dein Lympham secretam per Venas serosas, in jugularibus & subclaviâ Venâ Sanguini reaffundere non sine ratione conjicitur. Atque duplici huic modo, seu dupli officio Secretionis, ait Celebratiss. Riedley Anat. Cerebr. Cap. IX. pag. m. 116. debentur duæ distinctæ substantiæ, ex quibus ea consistere videtur; quarum altera albida Lympham ex Cerebro derivatam eliminat, altera verò rubicunda illam immediate ex Sanguine secernit.

*Plexus va-  
sculosi  
quid pre-  
stent?*

XXXIX. *Plexus* diversi *vasculosi* hinc inde in pià Matre efformati, & circa Cerebrum & què ac Cerebellum conspicui, ad hoc conducere videntur, ut per Tubulorum, quibus constant, protractionem & inflexionem, Sanguinis latex probè attenuetur, rarefiat aliquomodo, & glanduloforum

forum ope pororum à crassiore Seri aquosi portione libera-  
tur; atque hoc ipso etiam ad nervi Fluidi secretionem, in  
corticali Cerebri substantia aptior reddatur.

**XL.** *Nervorum* ex oblongata Medullâ undique erum-  
pentium, & in omne corporis punctum distributorum usus  
ac functio est, partes omnes sensibiles membranosas & mol-  
les Fluido nerveo assidue & jugiter irrigare, ipsisque debitum  
tonum ac elaterem imprimere, impressumque conservare,  
quæ ad suas quæque actiones, Sensus videlicet. Motusque, dein-  
ceps naturaliter expediendos, aptæ sint ac maneant: reve-  
rà enim nulla Pars corporis vegeta manere, & ritè valere  
potest, nisi à *Nervorum* fibris, Meningæo involucro sti-  
patis, suam tensionem ac motionem adipiscatur. *Puria* au-  
tem *Nervorum* ejusmodi, in priori *Dissert. nostrâ* descripta,  
numeravimus decem, quorum quodlibet peculiaribus suis  
usibus, in hac vel illâ corporis parte præstandis, destinatum  
esse, ipsæ *Nervorum* ramificatæ insertiones abundè dictant;  
quibus autem singulis suis explicandis brevitatis gratiâ su-  
persedeo; iis, qui pleniores Neurologiam tradere gestiunt,  
talia adcuratiū exponenda relinquens.

**XLI.** *Vasorum sanguineorum*, Arteriarum non minus *Vasorum*  
quam Venarum formâ, per singulas Cerebri partes copiosissi-  
mè dispersorum, utilitas est eximia & necessaria: ut scili-  
cet *Nutritionis & augmentationis* materiam toti Cerebro inde-  
finenter subministrent: ut dein suis glomerationibus vel  
convolutionibus, in Cerebri cortice fieri solitis, *Organum*  
quasi *Secretionis Spirituum*, sive *Fluidi nervi* originale effi-  
ciant: ut denique hinc inde piæ Matri irretita *Plexus va-*  
*rios* constituant, usui multiplici, ut suo loco dictum, ac-  
commodatos.

**XLII.** *Vasa lymphatica*, vel *serosa Venæ Cerebri*, eas, *Vasa Cere-*  
quas in aliis corporis partibus præstare solent, Functiones &  
heic expedient; scilicet lymphaticum Humorem è San-  
guine Arteriarum emulgere, eumque confecto qualicunque *bri lym-*  
itinere, & salutatis interea Glandulis congregatis, tandem at-  
tenuatum, & noviter quasi elaboratum, Sanguini in jugulari-  
bus & subclaviis Venis reaffundere.

## CAPUT II.

### *Cerebri in genere considerati Usum in compendio repetens.*

#### I.

*Functiones  
Cerebri  
diversæ.*

**U**T itaque hactenus prolixè exposita in compendium trahamus, & recolligamus, totum *Cerebri* nobile *Viscus* reliquis corporis partibus principis adinstar præst, Fluidum nerveum ex Sanguinis arteriarum Carotidum portione tenuiore, puriore, Corticis sui ope affidue segregat, nervosis Medullæ canaliculis committit, atque hinc ulterius per oblongatam spinalemque Medullam in totum corpus æquabiliter diffundit; adeoque Sensem omnem, Motusque cunctos, tam arbitrarios quam automaticos, in Partibus solidis ceu instrumentum & causa exercet. Præcipue etiam Animæ nostræ rationali habitaculum præbet, in quo suos illa Sensus, perceptiones, cogitationes, & operationes cunctas, neque Imaginatione, neque Memoriâ exceptâ constanter peragit. Dum enim è Nervorum elasticis fibrillis, innumerâ serie in universum Corpus distributis, ac divisis, Sensem efficiuntur Organa, fit ut hæc ab Objectis qualibuscunque diversimodè perculta, ad Cerebrum momento citius suum continent motum, ipsumque Sensorium commune attingendo, certas Animæ ideas contemplandas, sive considerandas offerant, vel Sensem in ipsâ determinatum qualemcunque producant; quem dein Judicium ac Voluntas ipsius sponte subsequens, vicissim certos nerveis in Sensorio communi filamentis motus imprimere, atque horum ope & medio corporis nostri Musculos, partesque organicas agitare solet. Hocque durat tamdiu, quamdiu Hominis vita sana subsistit, vel Anima corpori unita manet.

*Cerebrum  
pars est  
Corporis  
nobilissi-  
ma.*

**II.** Inde verò ulterius apparet, *Cerebrum* partem Corporis omnium nobilissimam ac præstantissimam existere, ut pote ad vitæ continuationem absolutè necessariam; proinde non tantum ad esse, sed etiam ad benè esse, ac valere ipsius, symbo-

symbolam suam contribuere. Id quod experimentum, quo quidem communicatio Cerebrum inter & partes tollitur, vel impeditur, hincque actiones partium subito cessare conspiciuntur, luculenter & clarè evincere videtur; quemadmodum nempe id in Nervorum lassionibus, obstructionibus, compressionibus, per vulnera, lapsus ex alto, contusiones &c. factis, evenire, Practicis cunctis notissimum est. Sic & à Spinali Medullà, in Colli vertebris interscissâ, aut saltem compressâ vel intortâ, omnes partes inferiores seu membra, quæ suam inde habebant cum Cerebro communionem, Paralyssi affligi, & Motu omni Sensuque destitui, ex Ephemeridibus Medicorum variis discitur.

III. Quod autem attinet exemplum decantatum *Bovis Cerebra illius Parisiensis*, cuius post necem osseum in Capite Cerebrum suisse repertum perhibetur: nec non alias plures consimiles observationes, Hominum vel Brutorum sine Cerebro, aut cum hoc osseo vel lapideo natorum sive inventorum; velut in *Ephemer. Nat. Cur. Ann. I. Dec. I. Observ. 26.* à J. Theod. Schenkio exemplum adducitur Bovis, cuius Cerebrum in marmoream planè duritiem conversum fuerit. Similiter *Observ. CXXX. ejusdem Libri*, Joh. Jac. Dobrzensky de Nigro Ponte memorie prodidit, Cerebrum in Bove, qui utut suam escam avidè devoraret, nullatenus tamen pingue fieri potuerat, petrefactum ac instar saxi repertum suisse. In primis autem *Dec. I. Ann. III. Observ. CXXIX. Celeberrimi Wepferi Scafus. Historia Puellæ sine Cerebro natæ habetur*; cuius *Caput*, inquit, *admirandi spectaculi objectum erat*; primo intuitu occurrit moles convexa, rubicunda, anfractuosa, similis ferè Cerebro jam denudato: prout nimirum in *Theatris Anatomicis*, Cranio in orbem seculo & ablato, durâ Meninge decussatim incisâ, & cum corpore falciformi reclinata, ostendi solet; nisi quod superficies rubicundior, & quasi carnosior esset, nec in medio divideretur, sulciq; anfractuum magis superficiari conspicerentur: adeo ut Cerebrum cute capillatâ, & maximâ Cranii parte, quam ollam vocant, spoliatum explorati in nostræ fisti putaverimus. In dextro latere blandâ manu membranam rubicundam tenuem, Cerebrum putatitium operientem, cultello separavi;

ravi, unde anfractus magis hiscebant, quos dum digitis amplius diduco, deprehendo totam hanc molem esse corpus, ex plurimis vesiculis, à summo ad basin cranii seu conglomeratum, seu combinatum, & ne minimum quidem Cerebri in hoc latere eousque apparuit: quod etiam in sinistro latere evenit, ubi totam molem ad basin, postquam nihil Cerebri confexissimus, ad curatioris examinis gratiā, uno ictu amputavi &c. Cui adhuc simile est aliud exemplum Puellæ sine Cranio & Cerebro viventis, ab Excellentiss. Raygero, Dec. I. Ann. VIII. Obs. 64. Ephem. Nat. Car. adnotatum. Rarissimis etiam exemplis adnumerat Eovem quandam Sueicum, Clariſſ. Thom. Bartholinus, in Histor. Anat. Rar. Cent. VI. Hist. 91. qui Bos, ut refert, in pascuis quidem cum aliis Bobus incedebat, sed semper prono in terram capite, ut macie confectus tandem culinæ adjudicaretur, ubi maestatus elusit Lanii securim, ab ictu resilienter, ob Cerebrum universa sui substantia in lapidem conversum. Quod, inquam, hæc & similia attinet exempla, haud credimus inde ullo modo probari vel evinci posse, Cerebrum non esse corporis partem necessariam.

Ratio ne-  
cessitatis  
Cerebri.

IV. Quibus enim Animantibus, sive rationalia, sive irrationalia fuerint, tali modo induratur, aut forsan planè deficit *Cerebrum*, illa certè in actionibus, motibus, sensibusque suis longè torpidiora & languidiora, quam quæ sanè & naturaliter prorsus se habente hoc Viscere gaudent, existere observantur, atque ut plurimum emaciari, aut etiam Convulsionibus, Epilepsia, vel aliter drepente mori notantur, sicut id ex uno altero ve allegatorum exemplorum manifeste patet; ut adeo propter grande *Cerebri* vitium actiones infirmatas, debilitas, atque impeditas esse judicandum sit. Dein nulla allegatarum Historiarum certò monstrat, totum planè *Cerebrum* defuisse, aut adeo petrificatum extitisse, ut non aliqua ejus pars sana & illæsa manserit, quæ vitiatae portionis defectum aliquomodo supplere, & ad actiones principales exercendas, continuandasque contribuere potuerit. Sunt enim *Cerebri* partes ita comparatae, ut ex unius laxione non statim totum Viscus intereat, sed aliæ aliarum defectum compensare aptæ sunt natæ: ita Willius in cuiusdam,

Scirrhœ

*Scirro Mesenterii extincti, cadavere aperto, alteram Arteriarum Carotidum internarum penitus ossam vel petrefactam observavit, adeo ut, inquit Anat. Cerebr. Cap. VII. pag. m. 57. Sanguinis influxu hac viâ denegato, mirum videatur, quare Æger non prius interiisset Apoplecticus : quod equidem in tantum abfuit, ut mentis suæ, & functionis animalis libero exercitio, usque ad extremum vitæ momentum potiretur. Ubi verò qui à Carotidis alterius occlusione & petrificatione fiebat defectus, à vertebrali Arteriâ ejusdem lateris, quæ oppositâ suâ triplo major, juxta citati Auth. monitum, evaserat, compensabatur. Ut pari ratione, sicuti medullosæ Cerebri substantiæ quædam portio lœsa fuerit, vel planè defecerit, ea quæ adhuc restat, tanto majore cum vi & robore functiones perficere, vitamque conservare possit.*

V. In primis verò *Spinalem Medullam* tali in casu, pro *Spinalis Motuum & vitæ continuatione* suam opem auctâ prorsus dosi afferre credibile est. Cui asserto, ut suprà *Cap. I. Thes. 36.* jam innui, probabilitas accedit ex dupli Medullæ ejusdem substantiâ, glandulosâ & medullari, cuius ope ipsa æquè ac Cerebrum Fluidum nerveum secernere & dispensare valet. Adde his exemplum, quod *Vir Celebratiss. Riedley, Anat. Cerebr. Cap. XVII. pag. m. 152.* à curioso Anatomico & Viro Eruditiss. D. Tyson, secum comunicatum scribit, de Infante vivo nato, non majori Cerebri portione prædicto, quam Nucis avellanae putamen capere poterat, Medullâ spinali existente justo ampliori, quasi pars Cerebri absentis eò fuerit protrusa. Ubi certè clara ratio suadet, *Medullam spinalem Cerebri defecum supplevisse.*

VI. Nonnulli etiam Medicorum *Cerebrum*, utcunque induratum & petrificatum, suis nihilominus adhuc defungi muneribus persuasum habent, eò quod poros & foraminula satis notabilia dari autument, per quæ Spirituum animalium circulationem nihilosecius continuari posse sibi imaginantur. Verum enim verò hi non attendere videntur, ad petrificationis naturam; annon enim oscula vasorum claudi necesse habent, dum Cerebrum induratur & lapidefit? quemadmodum in exemplo *Arteriæ Carotidis petrefactæ*, superius

*Theſ. IV. hujus Cap.* Sanguinis per eam influxum deinceps dene-  
gatum fuſſe diximus. Deinde poros & foramina lapidosa,  
per quæ paleæ intrudi poſſunt (uti in Cerebris petrefactis  
cernuntur) minimè ad Spirituum circulationem apta eſſe  
arbitror; annon Nervi, adeoque Canales molles, teneri, ac  
elastici, ad eorum motum ſunt neceſſarii? Secus profecto non  
video, qualis tum foret cauſa ſufficiens, quæ Spiritus utut  
ſubtiles per illa Cerebri petrefacti foramina dura uſque pro-  
pellere valeret. Tertiò etſi concederem, poſſe Spiritus per  
foramina, ſeu poros Cerebri petrefacti aliquomodo decurrere,  
nondum tamen hoc ſufficeret, ſed dicere ſimul oportet,  
ubi tum generentur Spiritus, ſi tota Corticis ſubtantia fuit  
petrificata? Itaque potius in hoc caſu alia continua-  
ti Cerebri pars, eaque ſana officium ejusmodi praſtabit, ſi  
vitales omnino actiones corporis ſupererunt: cum imposſi-  
ble ſit conceptu, vitam uſſistere poſſe, ſi tota planè Ce-  
rebri moles, unā cum Oblongatâ & spinali Medullâ penitus  
indurata fuerit.

*Meninges  
aliquando  
Cerebri of-  
ficiū  
preſtant.*

VII. His denique addendum & hoc, quod *Meninges*  
etiam, juxta osfeam vel lapideam Cerebri duritiem ſalvæ &  
incolumes exiſtentes, officium iſpicio Cerebri quodammodo  
ſupplere valuerint, praſertim ſi Medulla oblongata, ipsaque  
Spinalis, Fluidi nervei quantitatē ſufficientem exhibuerint.  
Quam etiam ſententiam amplecti video *Experientiſſ. & Ce-  
lebratiſſ.* Baglivum, quando in *Specim. de Fibra motrice Lib. I.  
Cap. V. pag. m. 284.* ait: *Magnam itaque eſſe potestatem Me-  
ningū ad ſolida, & Fluida ſingularum partium varie dirigen-  
da, praeter Observationes morborum, & rationes Anatomicas à  
nobis adductas, confirmant Historiæ plures eorum, qui ſine Ce-  
rebro naſcuntur & vivunt; vivunt tamen, quia licet Medulla Ce-  
rebri non adſit, adſunt tamen binæ Meninges, quarum præcipuum  
munus eſt, motus inferniſ in partibus producere, variegā dirigere.*

*Anima ſe-  
des in Ce-  
rebro lapi-  
deo vel of-  
ſeo.*

VIII. Difficultas tamen aliqua heic enaſcitur, circa  
ſtabiliendam rationalis Animæ Sedem, in Cerebro vel lapi-  
deo, vel osfeo exiſtente. Ubi fateor me rem capere haud  
poſſe, niſi in Meningibus eam reſidere poſſe ſtatuamus, vel  
in Medullâ oblongatâ, spinalique; ſupposito, ſi in hiſce  
partibus

partibus nullum vitium extiterit. Si quæras insuper, quomodo suas tum percipiendo, cognoscendo, & imperando facultates atque operationes in corpus exercere possit, ubi Sensorium commune deficit? Huic difficultati occurtere licebit, dicendo, Objectorum sensibilium operationes & motus, tum in Meningum expansione, vel Medullā prædictā terminari, indeque perceptionem Animæ fieri, hujusque succedente Judicio & voluntate postea Musculorum motus dirigi posse, si non perfectissimo, saltem aliquo imperfecto modo; cum haec tenus deprehensum sit, Animantia talia sine Cerebro vel cum lapideo, osseōve nata, aut planè vitalia non fuisse, aut vitam plus minus languidam traxisse.

### C A P U T III.

#### *Inclinationum naturalium, Ingeniorum, & Indolum Humanorum dependentiam à Cerebri structura explicans.*

##### I.

**C**UM ergo Animam rationalem in Cerebri gremio suam habere residentiam apud omnes in contesso sit, qui quidem cum Cartesio eam toti corpori junctam, sed unius tamen alicui parti, à quâ voluntatis suæ dictamina immediate in corpus exerceat, inhærere arbitrantur, illud omnino superest, ut hoc Capite exponamus, *utrum & quomodo Indoles, Ingenia, Inclinationes, ac Mores etiam Hominum à Cerebro, tanquam causâ quadam dependeant?* Quæstio sanè perdifficilis, & vix sine variis dubiis, à nobis saltem resolvi apta; attamen cum videamus, ipsum jam Cartesium in aureo *Passionum Animæ Tractatu* affirmativam tenuisse, quando Passiones tales definivit esse perceptiones, sensus aut commotiones Animæ, quæ ad eam speciatim referantur, quæque producantur, conserventur, & corroborentur per aliquem motum Spirituum: ubi pereleganti ordine dein Passiones singulas enumeravit & percurrit, inque

inque earum causis exponendis talem semper opinionem  
fovit, ultimam & proximam Perceptionum illarum, sive  
commotionum, quæ speciatim ad animam, & non ad cor-  
pus, seu objecta externa referuntur, causam non esse aliam,  
quam agitationem, quâ Spiritus movent Glandulam, in me-  
dio ferè Cerebri hærentem pinealem ; ut clarè omnino pa-  
teat , ipsum à corpore tales Animæ Passiones derivasse.  
Jam nos ipsius vestigiis insistentes, quid de Inclinationibus  
sentiamus, paginis his aliquot comprehensum , Erudito-  
rum judicio submittemus.

*Quid per  
Inclinatio-  
nis vocem  
veniat in-  
telligentia-  
dum?*

II. Ne quis verò heic Logomachiam quandam in-  
currere queat, in limine statim nominum significations,  
quemadmodum nobis quidem veniunt, exponere constitui-  
mus. *Inclinationis* itaque voce, non in genere intellectam vo-  
lumus cuiuscunq; rei dispositionem, nutationem, aliā  
ve mutationem in melius vel deterius ; quemadmodum di-  
cuntur Corpora inclinare apud *Quintilianum* ; Res & tem-  
pora Reipublicæ ad inclinationem vergere, apud *Ciceron.*  
*Cœlum* inclinare, apud *Gellium* ; Oppida inclinare, apud  
*Ovid.* Fortuna inclinata, apud *Ciceron.* Acies inclinans,  
apud *Silium Hal.* Meridies inclinare, apud *Horat.* Morbus  
inclinatus, apud *Plinium.* Sed ad *Mentem* in specie hu-  
manam illud vocabulum referimus, eoque designatam præ-  
cisè volumus *dispositionem*, sive *propensionem* quandam *Animi*  
certam ac naturalem, *ad hos vel illos mores, passiones, virtutes,*  
*vitia, studia, scientias, artes, Morbos &c.* quatenus videlicet  
nobiscum nascitur, sive nobis congenita est. Ita apud Ci-  
ceronem, Livium, Plinium, aliasque, Mens sive Animus, ad  
virtutes, vitia, opiniones has illasve inclinans legitur. *Incli-  
natio* ista subinde hæreditaria evadit, à Parentibus ad Libe-  
ros propagata, quando v. gr. Cholerici cholericos, Melan-  
cholici hypochondriacos, Scorbutici scorbuticos, Nephri-  
tici calculosos, Morosi inurbanos, Pii probos, Improbi  
impios gignunt Infantes.

*Animi vo-  
cabulum  
quid deno-  
tet?*

III. Per *Animum* intelligimus *Mentem Hominis*, sive  
*animam rationalem*, Spiritum illum immateriale, finitum,  
atque cogitantem. Apud Veteres etiam multos *Genius au-*  
*diebat,*

diebat, tanquam nobiscum genitus, unde suos singulis esse Genios pronuntiabant; quanquam deinceps *Genii* nomine Deos insigniebant, *Geniosq; Deos* appellabant: horum numero præter duodecim signa cœlestia, etiam Lunam Solemque accensentes, *Censorinus & Euclides Socraticus*, duplicem nobis Genium, bonum malumque esse datum arbitrati fuerunt. Ab aliis etiam *Genius* dicta fuit vis & naturæ proprietas, hinc & natura, conditiōne Loci, *Genius Loci* apud Virgilium audivit.

IV. *Ingenium*, à gignendo derivatum, quasi ingenitum & connatum nobis, propriè natura dicitur, vel dispositione quædam Homini congenita, ut *Plautus* habet: *five Ingenium unde derivatur?*  
*Vis* quædam naturalis nobis insita, suis viribus prævalens, ad inveniendum, quod ratione indicari potest, *Ciceroni 5. de Finib. 63.* Græci Εὐφύεια, nativam *Animi*, corporisve bonitatem appellant. Plato igniculos naturales, & quædam velut *Eius significaciones varie.* *seminaria Virtutum*; Aristoteles proclivitates five propensiones quasdam, Ἐπιδειξίαις, nuncupavit; Et Plato quidem istas veluti scintillas aëtu nobis inesse, in primo tamen Animæ descensu in corpora modò generata ita obliterari, ut non nisi atatis progressu denuò emergant, eamque ob rem omnis nostræ cognitionis vim reverà puram putamque *five reminiscientiam* esse credidit. Aristoteles verò, potentiam tantum naturalem ad hæc vel illa bona, rationis atque sensus ope acquirenda, humanæ Menti insitam appellavit, simulque Mentem ipsam cum Tabula quadam rasâ comparavit, in qua primò nihil descriptum esset, omnia tamen temporis progressu describi possent ac solerent. Liceat verò nobis *Quid nobis indigit?* isto nomine exprimere vel indigitare, certam quandam Menti, à natura partium Corporis dependentem, inclinacionem, propensionem aut dispositionem, ob quam illa plus minus feliciter res diversas ac multiplices comprehendere, concipere, imaginari, discernere, dijudicare, peragere, repetere etiam pro lubitu, vel fingere, invenire, excogitare, digerere &c. potest, ac eapropter simul in varios Afflēctus, Mores, Virtutes, Vitia, Passiones, Studia, Disciplinas, Artesq; &c. addiscendas & exercendas inclinare solet. Usque

adeo ut Ingenii vox *in genere* quidem Judicium, Imaginatio-  
nem, & Memoriam sub se comprehendat ; *in specie* autem  
facultatem certam Animi, à Judicio ac Memoriâ nonni-  
hil differentem, designet ; quatenus nimirum illa non nisi  
à certâ Partium corporis dispositione atque configuratio-  
*Indolis vo-*  
*ce quid ex-*  
*primatur?* ne dependet. *Indolis* voce etiam sâpè exprimitur Inge-  
nium, ab inolesco deductâ, per interpositionem literæ con-  
sonantis, d, quà certè etiam Mentis inclinatio naturalis, ad  
bonas malasve actiones indigitatur ; hinc Indoles Virtutum  
ac Vitiorum invenitur apud *Livium*.

*Mentes*  
*Hominium*  
*essentiali-*  
*ter non di-*  
*screpant.*

V. Evidem veritati consentaneum esse censemus,  
omnium Hominum Mentes respectu naturæ & essentiæ suæ,  
facultatisque cogitandi, sibi invicem planè similes existere,  
Deumque adeo singulas creâsse perfectas, nullâ essentiæ suæ  
parte, defectu nullo pollentes ; usque adeo ut naturæ illius  
respectu nullum penitus discrimen inter Animas Hominum  
intercedat, aut inveniri queat. Quanquam enim quoad co-  
gitandi exercitium & usum, in primis pro ætatis & disposi-  
tionis Corporis, Sexus etiam, si velis, diversitate, varietas  
quædam occurrat, atque perfectiores vel imperfectiores vi-  
res cogitandi in diversis subjectis deprehendantur ; inde ta-  
men reverâ nihil accedere vel decidere solet Mentis essen-  
tiæ, vel propriis internisque ejus facultatibus, utpote quæ  
nonnisi magis minusve in diversis Hominibus, à causis variis  
impediuntur.

*Homines:*  
*facies li-*  
*neamentis*  
*æquè ac a-*  
*nimorum*  
*varietate*  
*differunt.*

VI. Quemadmodum autem Deus Homines non vul-  
tuum duntaxat lineamentis, corporumque habitu, infinites  
variante, inter se differentes generari, atque ita inter se di-  
stinctos esse voluit, ut vel nunquam vel rarissimè profectò  
duos invenias, sibi invicem per omnia planè similes : ita  
Animos quoque ipsorum, prout Edo Neuhusius in *Dedi-*  
*catione Theatri Ingenii humani* scribit, *in tam multiplicem*  
*Morum speciem & figuram effinxit, ut neque Astra tam diver-*  
*sæ lucis, virtutisq; radios diffundant, neque Terræ mater in*  
*dissimilem magis Florum atque Herbarum sobolem exuberet.*  
Atque Gentibus quidem universis suam esse velut *propriam*  
*Indolem & Inclinationem*, ad quam sive à Naturâ imbutæ,  
sive

*Singulis*  
*Gentibus*  
*propria*  
*junt Indo-*  
*les..*

sive in curâ studioque institutæ sint, neminem arbitror esse, qui porrò ambigat. Sunt enim Regiones, quarum purus tenuisque aër acuta solertiaque producere Ingenia notatur, velut in Oriente: sunt aliæ, quarum crassa pinguiorque aura retusa & hebetiora profert, velut in Occidente. Facit etiam cœli solique mitis vel rigida indoles, nec non consuetudo vivendi, educationisque varietas multum ad diversissimas Populorum Inclinationes & Mores. Sic enim olim Cicero scripsit, domicilium superbiæ apud *Campanos* existere: *Argivi & Brutii* ob amorem latrociniorum ac rapinarum notati: *Rhegini* meticulosi: *Itali* in genere generosi, magnifici, atque effusæ humanitatis pollicitatione inclyti: *Hispani* cum diffusâ gravitate elati, grandiloqui, jactabundi, duri, parci: *Galli* insitâ vanitate, humanitate, ac liberalitate excellentes, in consiliis capiendis astuti, in suscipiendis exequendisque alacres & prompti: *Germani* duri, laboriosi, robusti, firmi, lenti: *Helvetii* fideles, bellicosi, fortes, intrepidi: *Belgæ* frugales, commerciorum amantes: *Angli* magnifici, suspiciosi, inconstantes: *Scythæ & Tartari* feroces, diri, immanes, horridis ingeniis: *Africanî* imbelles, barbari: *Turcæ* avari, rapidi, duri, turbulenti: ut alios Populos silentio præteream.

VII. Haud arbitror multum disquiri debere, unde nam istæ Gentium variarum diversæ Inclinationes, Ingenia, aut Mores originaliter proveniant? Largiri enim facile audemus, posse aliquid heic Aëris sive Climatis, Ciborum, Potûsque temperiem diversam contribuere, ad mutandam in universum texturam Liquorum in talibus Populis vitalium & animalium: posse forsitan diversam solidarum in illis partium structuram & configurationem; sed præcipuam tamen causam arbitramur esse, differentes admodum mores, leges, consuetudines, educationes, gubernationes talium Gentium, dum ejusmodi circumstantiarum respectu Ingenia ipsorum plus minus feliciter coluntur, instituuntur; moresque diversimodè per omnem vitam formari observantur. Hinc est, quod quæ olim benè moratae, probèque cultæ

*Origo di-  
versitatis  
Inclina-  
tionum  
in variis  
Gentibus  
unde deri-  
vetur?*

forsan extiterant in Oriente Gentes, jam Barbaræ evaserint, aut quæ olim in Germaniâ regnaverit Barbaries, mutata nunc facie in mitem vivendi consuetudinem abierit; idque profectò non ob cœli solique mutatam temperiem, sed unicè propter Regiminis sive Dominii adeptam corruptionem, aut emendationem; propter æstimata & culta publicè privatimque Studia optimarum Literarum.

VIII. Observamus autem apud singulos quoque Populos in specie differentem Indolis capacitatem, Inclinacionum bonitatem, atque Ingeniorum vim; imò adeò differentem, ut nemini possibile sit Species Ingeniorum omnes sufficienter enumerare, distinctè explicare, atque adcuratius describere, utut varii Celebres Literati suas hoc in negotio vires explorare conati fuerint: quos inter reperimus *Species Ingeniorum omnes expressas inponere impossibile.* *Authores* Tritavum nostrum Theodorum Zuingerum, *Philosophum, celebres, Medicum & Polyhistorem Basiliensem, in Theatro vitae Humanae, qui de Ingeniis scripsérunt.* Johannem Huardum Medicum *Hijhanum*, Edonem Neu-husium, Belgam, in *Theatro humani Ingenii*, Joh. Barclarium in *Icone Animorum*, Thomam Garzonum, Italum, in *Theatro de vari & diversi Cervelli Mondani*, & plures alios. Arduum autem foret, atque à scopo nostro alienum, prolixam nimis singulorum Ingeniorum descriptionem ob oculos ponere: tum & methodi ea explicandi selectus haud parvam tenui nostro anchioque ingenio difficultatem pareret. Quamobrem heic aliquam multa tantum, etiam sine ordine aut distinctione respectuum, quos habent, recensuisse, tandemque causas eorum exposuisse sufficiet.

*Ingenia abjecta,*

IX. Excellentiss. Johannes Christianus Langius, Profess. Universitat. Giessensis Ordin. Clariss. in Protheoria Eruditionis humanæ universæ, Germanico idiomate excusâ pag. 105. insignem Ingeniorum farraginem, velut in compendio adduxit, obiterque definivit; in fine autem Libri tandem Indicem eorum alphabeticum exhibuit, quem & heic tanti-sper sequemur, ita tamen ut, ubi vel similia aut affinia, vel opposita etiam occurrerint, ea simul addituri & explicatu-ri simus. Itaque primùm *Abiecta*, sive *Parva*, aut *Humilia* Ingenia dicuntur, quæ non nisi ad minutissimas & vilissimas, seu exigui

exigui admodum momenti res apta sunt, iisque delectantur. *Magna,*  
Dum è contrario *magna, excelsa, heroica, sublimia*, sublimium *heroica,*  
& maximarum rerum capacia existunt; & *mediocria* ad mediæ *medio-*  
*classis* res capiendas idonea deprehenduntur. *cria.*

X. *Absoluta, consummata, perfecta* Ingenia nuncupantur, in quibus singula vitia aut virtutes sublimi in gradu existere notantur. *Inchoata autem, imperfecta, vel semiperfecta* è contrario ea sunt, in quibus non nisi principium, sive progressus talium actionum occurrit.

XI. *Ingenia abstrusa, abscondita, vel occulta* dicuntur, quæ plus habent in recessu, quam primâ fronte promittunt. *Ingenia occulta, secreta,* Huc referri possunt *arcana vel secreta*, quæ res propemodum quasvis celant, atque in secretis habere gaudent. *Aperta* verò habentur, quæ cognoscendum facile præbent, externis suis gestibus, vel factis aut dictis, quicquid in sinu fovent. *Patula* denique audiunt, quæ nullis planè secretis inchiant, neque occulta sunt, sed unicuique facile patent.

XII. *Accurata vel accurantia, sollicita*, habentur, quæ munia sua, & res quascunque sollicitâ curâ atque industriâ expediunt, exequuntur. *Perfunctoria* a. vocantur illa, quæ nonnisi perfunctoriè, obiter ac minus sollicitè res curant; incurii sunt tales Homines, suis minimè rebus intenti, negligentes fere.

XIII. *Activa sive Præctica, praxi, actionibus & negotiis* unicè intenta existunt; è contrario *theoretica sive speculativa*, nonnisi rerum contemplationibus delectantur. *Præctica, Theoretica,* *Apolaustica* tandem, sive *Fruitiva* dicuntur, quæ magis fructui, quam speculationi rerum vacant. *Apolaustica.*

XIV. *Ingenia placida, tranquilla, pacifica, quieta, innocua, lœvigata, rosea*, pacem, tranquillitatem, quietem amant, ac servare student. His adde *Lenia*, placido admodum vultu, ac serenâ perpetim fronte suas res expedientia. *Impetuosa* autem, *furibunda, turbulentia, inquieta, bellicosa, martilia, spinosa, aculeata, pungentia*, ex opposito dicuntur, quæ bello, tumultibus &c. gaudent.

XV. *Acuta, penetrantia, subtilia* Ingenia, quæ subtili spiritu suo intimiora rerum mysteria facile penetrant, com-

*Hebetia.* prehendunt, atque discernunt. His opposita, *obscura*, *hebetia*, *crassa*, crassis suis Spiritibus minus penetrantia, difficulter res comprehendentia.

*Communi-*  
*xia,*

*Stupenda.*

*Autodi-*  
*dacta*,  
*allodi-da-*  
*cta.*

*Ingenia*  
*scrupulo-*  
*sa,*

*Firma.*

*Ambitio-*  
*sa*, *volup-*  
*tuosa*, *qua-*  
*stuosa.*

*Diffusa*,  
*Arcta.*

*Angelica*,  
*Diabolica.*

*Apprehen-*  
*siva*,  
*retentiva*,  
*remissiva.*

*Vegeta*,

XVI. Ingenia *communia*, *obvia*, *ordinaria* nominantur illa, quæ passim obvia sunt, quorumque capacitas & aptitudo nobis satis est consueta. Hisce opponuntur Ingenia *minus obvia*, *extraordinaria*, *stupenda*, *admiranda*, *prodigiosa*, quæ prope modum incredibilia præstare valent, tum arcanorum penetratione, tum rerum incognitarum inventione, aut productione.

XVII. *Autodidacta* sunt, quæ sponte ac sine aliorum adminiculis vel institutione res varias addiscere possunt; quibus opposita *allodidacta*, non nisi aliorum ope & informatione quid comprehendere vel cognoscere valent.

XVIII. *Ambigua*, *scrupulosa*, *dubia*, *hesitantia*, *incerta*, *implicata*, *perplexa*, quasi *tremula* nominantur, quæ in quibus cunque rebus apprehendendis semper dubii hærent, scrupulosque sibi formant, quibus in amplificandâ suâ cognitione impediuntur. *Certa* verò, *progredientia*, *firma*, dicuntur, quæ sine omni dubio, *hesitatione* atque impedimento cunctâ addiscunt.

XIX. *Ambitiosa* Ingenia omnem suam meditationem ad honores; *voluptuosa* ad corporis voluptates; *quæstuousa*, *avarua*, ad lucrum, *quæstum*, *divitias* & *opes* conquirendas dirigunt.

XX. *Ampla*, *diffusa*, *prolixa* Ingenia plures simul res comprehendere, addiscere, expedire sciunt; *Arcta* è contrario, *angusta*, *concisa*, *contracta* nonnisi paucis simul rebus apprehendendis aut expediendis occupari amant.

XXI. *Angelica* existunt Ingenia, quæ in omnivariâ virtute, pietate, fide, benignitate, sapientia, amore, timore Dei, patientiâ, velut angelicum monstrant spiritum. *Diabolica* autem sunt, quæ in omni scelerū ac vitiorū gerere se excent.

XXII. *Apprehensiva*, quævis oblata facile percipiunt & comprehendunt. *Retentiva* quicquid comprehenderunt, firmiter tenent ac servant: *Remissiva* autem eadem citò, facile que dimittunt.

XXIII. *Vivida*, *vegeta*, *excitata*, *florida*, *ignea*, *spirituosa* Ingenia alacriter omnia apprehendunt, atque discernunt.

*Languida*

*Languida* verò, *arida*, *sicca*, *torpida*, *frigida*, *flaccida*, *exinanita*, *Torpida*.  
*semimortua* contrario modo se habent.

XXIV. *Obsequiosa*, *mansueta*, *lævia*, *mollia*, per se quidem *Ingenia*  
& suā sponte nihil facilè avideque addiscunt, suis tamen *Præ-* *mansueta*,  
*ceporibus* auscultant sine hæsitacione, & morem quoque ge-  
runt. Contrà *pervicaci*, *feroci*, *aspero*, *rigido*, aut *duro ingenio*, *Pervica-*  
qui prædicti sunt, non tantum suā sponte nihil addiscere vel *cia*.  
apprehendere cupiunt, verùm suis quoque *Informatoribus*  
obstrepere haud erubescunt.

XXV. *Audacia*, *confidentia*, suis ferè nimium viribus in *Audacia*,  
comprehendendis rebus tribuunt atque confidunt : quem-  
admodum *diffidentia*, *meticulosa*, *timida*, è contrario iisdem *Timida*.  
parum nimis fidunt.

XXVI. *Divina*, *eximia*, *præclara* *Ingenia* supra humanæ *Divina*,  
imbecillitatis conditionem evecta, excellenti bonitate præ-  
dicta, divinum ferè quid sapiunt, utpote diffusæ ubertatis, ex-  
peditæ celeritatis, confirmatæ stabilitatis existentia, quæ ad  
rem quamvis animosè suscipiendam, dextreque perficiendam  
apta, hinc ad inveniendum prompta, ad judicandum discer-  
nendumque acuta, ad reminiscendum firma ac diuturna.  
*Absoluta* etiam aliis audiunt, complectentia in se, quicquid *Absoluta*,  
magni, excelsi, admirandi in aliis deprehenditur. *Bruta* verò *Bruta in-*  
*Ingenia* infra sortem humanæ conditionis posita, & *Bruto-* *genia*.  
rum moribus ferè similia videntur.

XXVII. *Candida*, *sincera*, sine fuco cum aliis Ho- *Candida*,  
mīnibus versantur, rectâ semper viâ incedendo, neminem  
fallendo, intus & in Cerebro sentientia, quemadmodum  
extus monstrant. *Simulantia* verò, *colorata*, *fucata*, *hypocri-*  
*tica* contrariam prorsus viam incedunt, suumque proximum  
fallere didicerunt, aliud in corde sentientia, aliud lingua  
proferentia.

XXVIII. *Elegantia*, *polita*, *pura* *Ingenia* pulchris non- *Polita*,  
nisi, puris, splendidis, politisque rebus inhiant : *Sordida* *Sordida*.  
autem sordidis tantum, impuris, insulsis rebus delectantur.

XXIX. *Casta*, *pudica*, *verecunda* *Ingenia* ab omni *Verecun-*  
impuritate, libidine, & venereis rebus adhorrent: *Obscena* au- *da*,  
tem, *libidinosa*, *salacia*, non nisi hisce obscenis deliciis indul-  
gent..

XXX.Ce-

*Prompta,*

*Tarda.*

*Extemporanea,*

*Præmeditantia.*

*Nobilia,*  
*Servilia.*

*Inventiosa*  
*Ingenia,*

*Sterilia.*

*Communi-*  
*cativa,*

*Invida.*

*Distincta,*

*Confusa.*

*Publicum*  
*amantia,*

*Privata.*

*Constan-*  
*tia,*

*Mobilia.*

**XXX.** *Celeria, velocia, prompta* Ingenia ea sunt, quæ citissimè omnia apprehendunt, forsan etiam cito rursus de perdunt, hocque minus felicia. *Tarda, lenta* vicissim dicuntur, quæ nonnisi cum lentore quodam res apprehendunt, digerunt, atque exequuntur: hic verò etsi non tanta ad sit percipiendi atque inveniendi celeritas, pretium tamen habet judicii felicitas ac firmitudo, inque expediendis negotiis constantia. Quibus accenseri possunt *extemporanea*, promptissimè, ac sine magnâ præmeditatione res concipientia, & de iis differere parata; *Præmeditantia* nihil sine prævio consilio, temporisque morâ suscipientia.

**XXXI.** *Ingenua, liberalia, nobilia*, dicuntur, quæ liberè suos ubique Sensus exponunt; *Coacta vero, servilia, ignobilia* cum servili quodam pavore suas res expedient.

**XXXII.** *Ingenia fœcunda, investigantia, inventiva*, sua sponte non tantum res omnes inquirere, explorare atque comprehendere nituntur, sed etiam reverâ in apricum utilia, quandoque nova proferunt. *Sterilia* è contrario, *infœcunda*, aut *collectiva* nonnisi ab aliis inventa usurpant, ac *sponte* quædam invenire vel excogitare nesciunt.

**XXXIII.** *Communicativa* cum *liberalibus* ferè coincidunt, suarumque rerum aut scientiarum facile aliquos participes reddunt. *Invida* autem sibi omnem cognitionem reservare student, nec quicquam cum aliis communicant.

**XXXIV.** *Ordinata, distincta, perspicua*, in omnibus rebus apprehendendis, descendis, aut docendis ordinem distinctum observant: *Confusa* autem sine ordine quæque vel addiscunt, vel exponere solent.

**XXXV.** *Conspicua, patentia, publica*, sunt talia, quæ in publico sese monstrare non erubescunt, adeoque audacia vel minimè saltem timida sunt. *Privata, latentia, umbratica* è contrario in tenebris magis latere, sibique solis vivere gestiunt.

**XXXVI.** *Consistentia, stabilia* sive *constantia, fixa, immobilia, inflexilia, immutabilia, perseverantia*, in suis sententiis atque expeditionibus constantem animum ostendentia. *Vagabunda* ex adverso, *desultoria, mobilia, volatilia, flexilia, fluxa, futilea, evanida, mutabilia, versatilia*, celeriter admodum ac facile quidvis

quidvis obvium percipiunt, sed exiguo suffulta robore statim languescunt; hinc fluxā animi levitate gaudent, suas opinio-nes mutant, inque actionibus suis inconstantia apparent, instabili hac illuc motu cogitationibus suis vagantia, sicque cum judicii tenuitate etiam conjuncta.

XXXVII. *Ingenia laboriosa, diligentia, studiosa, philo-pona, infatigabilia* appellantur, quæ continuè querunt & habent, quod meditentur aut agant, nec inde multum fatigantur. *Quibus contraria otiosa, ignava, negligentia, labores* *Otiosa.* quoscunque odio habent, otio atque desidiæ gnaviter indulgentia.

XXXVIII. *Curiosa* quæ audiunt Ingenia, singulas qua-*rumcunque rerum circumstantias, etiam minutissimas, ac sæ-pe minimè necessarias* sciscitantur, atque novisse cupiunt; quæ si desiderium omnia sciendi excessivum sit, *rapacia* aut *Rapacia, famelica* cum Langio quis dixerit. *Desidiosa* ex opposito, *in-curia, pertesa, vel nauseabunda* nuncupari merentur, quibus cura est nulla multa sciendi, & vel nauseā atque tædio affi-ciuntur, si quis fortè alias multa inquirat, atque nosse percupiat:

XXXIX. *Congenera* nuncupantur, quæ congrua, similia, vel convenientia sunt Parentum Ingeniis. *Degenera au-tem ab iisdem plus minus deflectunt, inque alia mutantur.* *Congenera, Degenera.*

XL. *Solida* quæ reperiuntur Ingenia, certi quid, infallibili-*lis, veri, solidi, ac determinati omnibus in rebus scire gestiunt;* ita ut, si funditus omnia eruere, emedullare vel enucleare la-borant, *profunda* dici mereantur. *Superficiaria* ex adverso, vel *Superfi-inania* vocantur, quæ nonnisi de cortice rerum cognoscendo *ciliaria.* solliciti sunt, nucleus vel medullam negligendo, inanibus, fallacibus in universum rebus inhiando.

XLI. Habentur & *turgida, tumida, elata, superba, inflata, jactabunda, insolentia* Ingenia, quæ elatos, tumentes Spir-i-tus circumgerunt, superbè alios juxta se, elatisque superciliis contemnentia, nonnisi suas res æstimantia, extollentia. *De-missa* verò, *submissa, subsidentia, humilia & modesta* existunt, quæ suis in negotiis modestè semper & submissè progrediuntur, alios juxta se etiam æstimantia.

- Hilaria,**      **XLII.** Occurrunt ulterius *Jovialia*, *jucunda*, *bilaria*, *læta*, *erecta* Ingenia, quæ res suas hilari semper, læto atque excitato animo, vel spiritu in actum deducunt. Quibus opposita *mæsta*, *tristia*, *depressa* nonnisi tristi singula vultu suscipiunt atque effectui dant.
- Didactica,**      **XLIII.** *Didactica* nuncupantur, quæ facile & libenter docent, docereque possunt, quæcunque sciunt. *Adidactica* autem sunt, quæ difficulter sese exprimere, suaque cum aliis Mætemata, eruditio[n]e suam haud bene communicare valent.
- Theologica,**      **XLIV.** Ingenia *Theologica*, quibus & *prophetica* junguntur; theologicis, ecclesiasticis & religionem concernentibus: *Juridica*, *politica*, *statistica* verò, rebus iura, politias, rationem statūs, Respublicas adornandas spectantibus: *Médica* medicis, *Philologica*, *Philosophica*, *Mathematica*, *Oeconomica*, *Ethica*, *Physica*, *Technica*, *Mechanica* &c. rebus talium disciplinarum comprehendis. & exercitandis inharrere, atque occupari amant.
- Prudentia,**      **XLV.** *Prudentia*, *considerantia*, *discernentia*, *sobria*, res singulas adcuratè ponderant, considerant, atque prudenter ab aliis discernunt: *Imprudentia*, *inconsiderata*, *temulentia*, *sæpius* & *temeraria* vocantur, quæ in comprehendendis atq; discernendis rebus incautè, inconsideratè, atque sine adhibitâ debitâ prudentiâ, discretionéve procedunt.
- Docilia,**      **XLVI.** *Docilia*, *felicia*, *habilia* sunt, quæ promptè res quavis capiunt, addiscunt, benè tenent, atque etiam ad excogitandas, inveniendasque res habilia existunt. *Indocilia*, *inabilitia*, *infelicia* autem opposito prorsus modo sese habent.
- Fatum**  
**Ingenium**  
**Sapiens.**      **XLVII.** Ingenium *fatum*, *insipiens* etiam aliquando observatur, estque rationis ferè expers in rebus agendis: *Sapiens*: contrà suā benè ratione utitur.
- Præcacia,**      **XLVIII.** *Præcacia*, *præmatura* Ingenia audiunt, quæ velut ante tempus ordinarium ad maturitatem suam adscendunt: *Serotina* è contrario, vel *sera* nominantur; paulatim & tardiùs ad sui perfectionem devenientia, serotinum hinc, sed præstantem fructum ferentia. *Tempestiva* tandem, maturaque iusto ac ordinario tempore suam maturitatem adipiscuntur.

**XLIX. Gra-**

XIIX. *Gravia*, *seria* *Ingenia*, ad restantum serio & cum *Seria*, gravitate quadam pertractandas propendent: *Ludibunda* autem, *ludibunda*, quasi ludendo tantum in rebus suis agendis versantur.

L. *Honesta*, *virtuosa* *Ingenia*, in rebus omnibus agendis ad *Honestia*, virtutem ac honestatem maximè inclinant. *Turpia* verò atque *in-turpia*, *shonesta*, ad scelera magis, omnisque generis vitia suis in actionibus propensa notantur.

LI. *Regia*, *majestatica*, *sublimia*, *Ingenii* aptitudinem monstrant, *Regia*, ad suscipienda, expediendave *Regia* negotia: *Vulgaria* autem, *plebeja*, *beja*, *dejecta*, & *proletaria*, nonnisi ad *vilia* & *communia* exequenda usurpari queunt, utpote nil altum spirantia, nihil præclari cogitantia.

LII. *Ingenium luxurians*, aliis *pingue*, *saturum*, *abundans*, in *Ingenium* omnibus rebus actionibusque superfluos quasi spiritus ostendit: *luxurians*, *Macilentum* verò, *parcum*, & *jejunum*, ubique suam paupertatem, *jejunum*, defectusque spirituum pandit.

LIII. *Universale* *Ingenium* quasvis prope modum Artes ac *Universa*- disciplinas comprehendendi atque addiscendi desiderio, aptitudine- le, que gaudet: *Particulare* autem nonnisi ad unum, alterumve stu- particu- dum sese applicare gestit.

LIV. *Ingenium irenicum*, *pacificum*, ad colendam, observan. *Irenicum*, damque unicè pacem intentum. *Polemicum* verò, sive *eristicum*, li- *eristicum*. tes magis amare solet.

LV. *Moderata* *Ingenia* quacunque in re semper medium in- *Moderata*- cedere viam gestiunt: *Immoderata* autem & *extrema*, rebus in ta, omnibus, bonis malisve extremitates affectant. immoder-

LVI. *Simplex* *Ingenium* illud est, quod simplicitatem amat, & rata. nonnisi uni alicui studio, rei exercecendæ intentum existit; *unifor-* *Simplex*, *me* quoque audit. *Multiplex* contrà pluribus simul rebus agendis multi- delectatur, & alias etiam *multiforme*, aut *versipelle* nuncupatur. plex.

LVII. *Splendidum*, *venerabundum* *Ingenium*, quod in rebus *Venera*- agendis splendorem velut aliquem de se spargit, & *venerationem* *bundum*, sibi conciliat: *Obscurum* verò, *subfuscum*, & *contemptum*, quod ne- contem- que in verbis, neque in factis gratiam atque splendorem common- strare valet.

LVIII. *Determinatum* *Ingenium* illud est, quod ad certum *Determi-* aliquod, determinatumque studium, sive professionem sese appli- natum, cat: *Indeterminatum* autem, sive *indifferens*, quod sese determi- indiffe- nare ad certam disciplinam nescit; vel cui adiaphoræ sunt quævis res. Artes addiscendæ & exercecendæ.

LIX. *Ingenia sagacia*, *perspicacia*, vel ex leviusculis indiciis *Sagacia* res abstrusas resolvere, atque eruere nōrunt: hæc *suspicacia* faci- *suspicacia*, lè evadunt, quando interdum sine ratione sufficienti quid mali rebus inesse suspicantur. *Stupida* è contrario vix obvia quævis, *stupida*. clara & distincta percipere, comprehendere, atque dijudicare sciunt.

LX. Tanta sic est multitudo, tanta difformitas *Ingeniorum*, ut nobis saltem impossibile singula enumerare, describere, expo-

**nere**, atque in certum ordinem redigere; præter hactenus enim ulterius adhuc inveniuntur *Astuta, callida, lauta, patientia sive tolerantia, adulatoria s. assentatoria, jocosa, sophistica, scholastica, superstitionis, antiquaria, incorrupta, calumnias, cædes, rapinas, usuras, luxum, aliave scelera perpetim meditantia, mendacia, malitiosa, libidinosa, bibitoria, rustica, faceta, affablia, lepida, proterva, mordacia, perfida, maledica, urbana, civilia, garrula, malitiosa, pernitosia, distracta, temperantia, sumigantia, prefracta, scurrilia, impudentia, fastidiosè morosa, secura, serena, industriosa, mimica, scenica, amena, vana, indignabunda, capriciosa, si hoc termino utile sit, que facilissime offendit se patiuntur, aspernabunda, pathetica, lacrymabunda, ridicula, crudelia, seva, maligna, benigna, dementia, magnanima, odiosa, inimica, eloquentia, religiosa, servida, immoderata, phantastica, gratiofa, abrupta, copiosissima, experta, fortia, fortunata, illustria, sylvestria, horrida, alchymistica, astrologica, extravagantia, indomita, terribilia, barbara, heteroclita, importuna, integra, inertia, inhunana, mitia, rudia, solertia, subacta, infinita que alia.*

*Ingeniorum differentiae in classes redigenda.*

LXI. Cùm autem tot differentes sint Ingeniorum formæ, quorum rationem quis difficillimè exponet, nisi in classes quasdam compendiosè redigantur, placuit Danj. Georg. Morholio in *Polyhist. Literar. Lib. II. Cap. I. p. m. 357.* ad quinque formas sive classes ea reducere, in quarum primâ constituit Ingenia celeria, agilia, excitata, imaginationis promptitudine gaudentia, in quibus acumen, sermo extemporalis, aures magis quam cor saturans, adest; ubi joci salesque inter conversandum non desunt; sed neque judicii constantia, neque labor firmus, neque cura seria, & profunda meditatio, neque industria pertinax locum habet.

LXII. In secundâ classe ponit Ingenia tarda, lenta, quæ res minus promptè comprehendunt, sed interea pertinaci cum judicio rebus immorantur, utut segnia sint in rebus novis excogitandis. In tertâ & quartâ classe mixtas stabilivit Ingeniorum formas, quarum altera ex utraque præcedenti mista, altera vero aliquid præter hæc excellentius habere videatur: in mediocribus interea, temperatis, ordinariis hæc versantur Ingenia. Quintam denique classem *excellsa, sublimia, absoluta, perfecta, eximia, divina* constituant Ingenia, quibus prædicti variorum seculorum Viri magni, divino quodam instinctu ad præstantissimarum rerum inventionem animati fuerunt, sicque excelluerunt.

*Multiplex Ingenium in uno quandoq; Homine reperitur.*

LXIII. Quandocunque igitur nullus in hoc mundo reperi ritur Homo, qui non peculiari suâ Indole, Ingenio & Inclinatione naturali sit instrutus, notandum ulterius est, plurimos insuper multiplicem simul Indolem obtinuisse, quando v. gr. observantur, qui rustico, callido, penetranti, & faceto; vel qui nobili, benigno, clementi, sed religioso forsan & pio, aut libidinoso simul pollut. Pariter nec hoc prætereundum, in uno sœpe Homine nativum mutari, in pejus sive melius Ingenium, quacunque demum ratione id contingat.

LXIV. Atque

LXIV. Atque sicuti in sexu masculino mirum quantum inter se differunt Ingenia, ita non minus in Fœminino sexu insignes eorum ratione varietates observantur. In genere tamen heic quæri potest, annon similitudo & æqualitas planè occurrat, Indolis vel Inclinationum respectu inter utrumque sexum? Annon Fœminæ eadem Ingeniorum aptitudinem cum Viris obtineant, res quas-cunque, Disciplinas, Artes, Scientias addiscendi, exercendi, docendi, imperandi, gubernandi, eaque in universum opera præftandi, quæ à Viris communiter alijs expediri solent? Quod si naturam heic & temperamenta utriusque sexū consulamus, cum eadem sit Cerebritas in Viris, quam in Fœminis conformatio atque structura, cum Mens sive Anima utrobique rationalis essentia-tiliter haud differat; nullam Viro præ Fœminis naturalem saltem prærogativam habere videntur. Etiam Sacra Scriptura *Genes. Cap. I.* v. 27, 28. hanc æqualitatem inter Virum ac Fœminam agnovisse ac stabilivisse videtur, quando Deus non foli Viro, sed Mulieri simul dominium in omnia cuiuscunque generis Animalia concessit. Præterea Mulier non minus, quam Vir ad Imaginem DEI creata est, & utriusque etiam competit esse Animal rationale. Evidem Locus *Genesios Cap. III. v. 16.* Dominium Viri in Mulierem arguere legitur, sed utut hoc sit, inde tamen inæqualitas respectu dotium naturalium nulla concludi, neque hinc extorqueri potest, majorem in Viro quam in Fœmina perfectionem occurtere. Quin ex illo ipso loco contrarium patere arbitramur quod si enim Mulier non æquales cum Viro ingenii vires obtinueret, à naturâ etiam sine condemnatione Viro subjecta fuisset: cùm autem Deus speciali decreto eam condemnavit, ut Viro perpetim subjecta maneret, signum est, quod sine hac condemnatione, adeoque sine peccato commisso, Eva ab Adamo nunquam dependisset, imò arguit, nullam inæqualitatem Spiritus, aut Ingeniorum capacitatis à naturâ inter illos stabilitam fuisse. Itaque Conditor Universi Adamo dedit quidem superioritatem aut prærogativam dominationis, sed non prærogativam rationis & indolis; & hodie quoque Masculi non majorem aut feliciorem ad scientias & artes dispositionem in hunc Mundum apportant, quam Femellæ. Experientia rem confirmat, cùm frequentes admodum Fœminæ reperiantur, Viris suis ingeniosiores, judiciosiores. Si dicas, cur igitur Fœminæ addiscendis Artibus, iisque exercendis non applicentur? Responderi potest, in conjugali societate opus esse, ut altera persona conjugii rem domesticam dirigat, & administret, Liberorum curam agat, culinæ præsit &c. altera verò de mediis ad sustentandam rem familiarem prospiciat. Quando igitur Fœmina propter frequentiora incommoda, propter imprægnationes, puerperia &c. externam illam curam sustentandæ familiæ commodè agere nequit, ea Marito relicta fuit, altera verò Fœminæ concessa. Atque ita providit Divini Conditoris Sapientia, sicque Mulierem tanquam adjutricem Viro junxit.

*Ingenio-  
rum di-  
versitas à  
corporis  
dispositio-  
ne pendet.*

*Speciatim  
Cerebri  
Medullæ  
adscriben-  
da.*

*Dependen-  
tia Incli-  
nat. à Ce-  
rebri pro-  
batur.*

LXV. Si jam in *Causas* propiores *Ingeniorum*, horumque mi-  
ræ diversitatis generatim inquiramus, non arbitror fore quenquam,  
qui illas aliunde, quam ex corporis variâ constitutione arcessere ve-  
lit; dum quotidie mutato corporis habitu atque texturâ, etiam  
animum mutari observamus; usque adeo verum est, quod Claud.  
Galenus in peculiari *Tractatu* demonstrare fategit, *Mores Animi se-  
qui corporis Temperamentum*. Sed à quanam corporis parte diver-  
sitas Indolis, Inclinationum atque *Ingeniorum* dependeat præcise,  
heic maximè quæritur? Arbitror autem, proximè ipsi *Cerebro* in  
quo suas *Anima* functiones & operationes, adeoque & *Ingenii*  
qualiscunque vires exercet, eam esse adscribendam, quemadmodum  
id tantum non omnes Jatrophysici afferunt. Nimirum *Medullaris*  
*Cerebri substantiae* dispositio infinites diversa, in filamentorum, fi-  
brillarum, tubulorum, funicularum nervosorum, membranarum, cel-  
lularum, spirituoso liquido plus minus turgentium, variâ configura-  
tione, texturâ, habitudine, combinatione, intricatione, complexio-  
ne, tono atque tensione, vel laxitudine consistens, quoad motum  
suum, atque impulsu, infinites etiam variantem, modò has modò  
illas in *Animâ* cogitationes excitare, hincque Inclinationem ad has  
illasve *Passiones*, *Indolem*, *Ingenia*, *Mores* dirigere valet. Ut quivis  
adeo Homo peculiari genio, indoleve præditus, singularem quoque  
*Medullæ* ipsius fibrillarum, hincque etiam *Meningum* dispositionem  
adeptus esse videatur.

LXVI. Ejusmodi Dispositionem *Medullarium* fibrillarum di-  
versam in causa esse dictarum varietatum, vel id maximè probat,  
quod mutatio earundem sola *Indoles* quoque & Inclinationes mu-  
tet, imò non rarò sanam rationem prorsus deleat. Videmus hoc in  
variis Morbis Cerebri, in quibus *Medulla* ejus mutari vel lædi no-  
tatur: si quis ex. gr. Contusionem, *Vulnus Cranii*, aut *Cerebri* pas-  
sus est, illico simul *Sensus interni*, adeoq; *Ingenium* in ipsâ nativum  
mutari deprehenditur, ut aptitudinem eam amplius non obtineat, ad  
varias res excogitandas, inveniendas atque peragendas, quam prius  
habuerat. Observamus aliquando Infantes torpido *Ingenio* pollen-  
tes, cùm sani sunt & benè valent; qui verò, cùm forte Hectici red-  
diti, atque sicciorum Cerebri temperaturam adepti sunt, ingeniosio-  
res evadunt, meliusque paulò ante mortem ratiocinantur, quam in  
vita anteactâ consueverant. Esto quis felici, sagaci *Ingenio* præditus,  
dum incolumis existit, laboret postmodum *Coryzâ*, aut diurno  
*Capitis* dolore, inde postmodum obtundi suum *Ingenium* observa-  
bit manifestè, sed pristinum tamen hujus vim redire sentiet, quam-  
primum sive per nares, sive per alias vias *Cerebrum* ab onere super-  
vacanei seri liberatum fuerit. Ita si quis *Meningum* *Cerebri* Inflamm-  
atione afficiatur, phreniticus evadit; si verò Obstructione pitui-  
tosâ magis tangatur, instar *Stupidi* sensim obambulabit. Audivi quo-  
que, fuisse olim heic quandam Mulierem, periodicâ Maniâ affectam,  
quæ Paroxysmum Maniacum præsentiens desiderabat ipsamet cate-  
nis affigi; dicebat autem, se in artubus extremis quandam velut au-  
ram

ram, ante novum Insultum persentiscere, hancque autam quasi ardentem paulatim versus truncum corporis & caput progredi, & quam primum caput petierit, se maniacam, furibundam reddi, omnique recte rationis usu privari. Quae certe & infinita alia exempla clare satis docent, nonnisi à Cerebri variatâ structurâ Ingeniorum vires atque mutationes dependere.

LXVII. Cùm enim Fibrillarum Cerebri Medullarium textura varia, quoad tonum, configurationem, motum & structuram, modificare soleat Animæ Sensus, perceptiones, atque cogitationes, necessariò hincquoque Inclinationes & Ingenia ejus diversissima produci debebunt; cùm nemo dubitet Sensum, atque perceptionum varietatem, Hominis quoque judicium & voluntatem, adeoque & Inclinationem plurimum determinare. Statuimus autem, varium illum *Cerebri Medullæ Fibrarum* tonum, variam mobilitatem, varias percusionis rationes, motum celeriorem vel tardiorem, majorem, vel minorem, impetuosiorē aut remissiorem, diurniorem aut breviorem, excitatiorem vel languidiorem &c. potissimum, eamque proximam occasionem diversissimis cogitationibus præbere. Plane sicut diversa Fibrillarum nervearum in Organo sensorio ab objectis excitata percusio, diversam ejusdem sensationis modificationem producere quotidie notatur.

*Perceptiones judicium determinare solent.*

LXVIII. Sed enī Fluidū quoque nervéum suas in hoc negotio partes obtinet: sicut enim illud spirituosum est, & elasticitate quadam præditum; ita pro maiore vel minore sui copia præsente, etiam ad & tubulos Nervorum aut Fibrillarum Medullæ Cerebri expandente, pro variâ item sui, quoad particulas componentes qualitate, ten- nes Indofactionem vel tonum dictis Fibrillis varium conciliare, atque aptitudinem ad Motus diversitatem in illis modificare consuevit.

*Fluidum nerveum variatio-nes Indo-factionis lum con-dinem ad Motus diversitatem in illis modificare tribuit.*

LXIX. Cùm verò Indoles Hominum, imprimis naturales, non adeo sint variabiles, ut facile & citò protinus immutari soleant, sed stabiles fatis existant, & vix nisi per longum tempus commutentur; idcirco etiam causa earum in Cerebro stabilis & firma statui debebit: atqui verò Spiritus animales, quibus primariò, exclusâ ferè Fibrarum nervearum structurâ, Inclinationum originem multi cum Cartesio' adscripserunt, talis causa constans esse non possunt, quia quotidie & nimium quantum mutantur; sequitur ergo ut in solido potius, seu Fibris Medullaribus ipsis proximam & primariam Ingeniorum causam constituamus.

*Spiritus non sunt primaria Indolum causa.*

*Inclinationes in generatione in Medulla Cerebri radican-*

LXX. Ex quibus jam haud difficulter concludere licet, quod pro diversâ eiusmodi partium Cerebri & Sensorii communis modificatione, in ipsâ generatione diversæ illæ Menti humanarum Inclinationes originaliter aut radicaliter oriri soleant; ita quidem ut, la Cerebri quo magis temperata fuerit illa Fibrarum in tubulis Cerebri Medullaribus textura, eo etiam felicius Ingenium, moderationesque Inclinationes exurgant: quo magis autem flaccidæ, molles, tardiusque mobiles illæ fuerint, eo tardiora quoque, magis lenta, stupidioraque eadem evadant: quo denique rigidæ magis, tensæ, siccæ &c. extiterint,

*titerint.*

*In eadem  
Homine  
Inclinatio-  
nes mu-  
tantur à  
variis  
causis.*

titerint, eo mobiliora, celeriora, excitatoria, fervidiora Ingenia producantur.

LXXI. Mutabiles interea sunt Inclinationum, Ingeniorum atq; Morum rationes in eodem etiam Homine, quoniam status Fibrarum illarum Medullarium Cerebri, pro diversâ Cœli constitutione, varia incolumitatis formâ, mutata Fortunarum conditione, Educationis atque Institutionis differenti curâ modoque, diversis quoque Ætatis gradibus, Moribus & consuetudinibus vivendi, Ciborum ac potuum, nec non Honorum, Opum, Conditionumque, quibus aliquis Homo gaudere solet, varietate, infinitis penè modis mutari potest. Ut taceam nunc Inclinationum emendationes, à Divini Numinis Spiritu immedia- tè in Hominum animis productas: à Deo enim omnis Donorum per- fectio venit, Spiritusq; illius Hominum Mentes ad debitæ integritati rectitudinem instaurat, suas singulis dotes, pro beneplacito suo impertit, Medullamq; Cerebri sive Animæ habitaculum ad piam vitam transigendam, ad bonas semper cogitationes in Mente excitandas instruit atque format.

*Unde Ala-  
critas In-  
genii spe-  
ciatim sit  
derivan-  
da.*

*Unde Tor-  
pedo?*

LXXII. Qualis autem præcisè speciatim Cerebri dispositio, ad quamvis Indolem formandam in Homine requiratur, hoc quidē scif- citare nimis curiosum videtur, & est supra vires humani ingenii sapere velle. Poterit tamen aliquis *Alacritatem Ingenii*, qua Homo ad perceptiones quascunque, atque cogitationes facilis promptusque existit, à Fibris solidioribus, tensis firmiter, ac facillimè & quovis modo mobilibus, aliquomodo derivare; unde nimirum fit, ut ab Objectis externis citò àmodum percellantur, ac eodem instanti Animam in Sensorio communi distinctè quoque moveant; quæ proin in hoc statu citò objecta percipit, citoque suis cogitationibus repon- dere potis est. Ex adverso *Torpedinem Ingenii & Hebetudinem* à Fibrarum texturâ contraria, nimir. laxiore, flaccida magis, & non ita elasticâ deducere licebit; tales quippe Fibrae, sicuti ad motum celerem minus aptæ existunt, ita etiam tardius, debiliusve, atque minus distinctè Animam movent, quæ hinc tardè percipit, torpidos, len- tosque valde sensus testatur.

LXXIII. Verùm ne limites præfixos superscandere velle vi- dear, brevibus his & exiguis Eruditorum judicio expositis atque submissis, sagacioribus, quæ restant circa hanc materiam difficulta- tes, evolvendas & expediendas relinquens, heic manum de tabula moveo. Quisquis sis Lector Benevole, pios conatus meos Benevo- lentiâ Tuâ sustine, libertatem, quâ in variorum Authorum sententiis discernendis usus sum, condona, atque errores vel hallucinationes, si quas præcipiti mente à me commissas deprehendas, amicè corrige.

S O L I D E O G L O R I A.

F I N I S.

